

遼史

目錄
卷一之十四

涵芬樓
影印

Centimetres

TIFFEN® Color Control Patches

© The Tiffen Company, 2007

Blue

Cyan

Green

Yellow

Red


Magenta



White

3/Color

Black

Inches





十卷
百

遼史百卷

十


六

卷

遼

史

百



歲次丙辰

涵芬樓印

進遼史表

開府儀同三司上柱國錄軍國重事中書右丞相監修
國史領經筵事臣脫脫言竊惟天文莫驗於璣衡人文
莫證於簡策人主監天象之休咎則必察乎璣衡之精
監人事之得失則必考乎簡策之信是以二者所掌俱
有太史之稱然天道幽而難知人情顯而易見動靜者
吉凶之兆敬怠者興亡之機史臣雖述前代之設施大
意有助人君之鑑戒遼自唐季基于朔方造邦本席於
干戈致治能資於黼黻敬天尊祖而出入必祭親仁善
鄰而和戰以宜南府治民北府治兵春狩省耕秋狩省

欽吏課每嚴於芻牧歲饑屢賜乎田租至若觀市赦罪則昭合六典之規臨軒策士則恪遵三歲之制享國二百一十九載政刑日舉品式備具蓋有足尙者焉迨夫子孫失御上下離心驕盈盛而覺隙生讒賊興而根本覺變強爲弱易於反掌吁可畏哉天祚自絕大石苟延國旣邱墟史亦蕪蕪耶律儼語多避忌陳大任辭乏精詳五代史繫之終篇宋舊史埒諸載記予奪各徇其主傳聞況失其真我世祖皇帝一視同仁深加愍惻嘗勅詞臣撰次三史首及於遼六十餘年歲月因循造物有待臣脫脫誠惶誠恐頓首頓首欽惟皇帝陛下如堯稽

古而簡寬容衆若舜好問而濬哲冠倫講經兼誦乎祖謨訪治旁求乎往牒茲修史事斷自宸衷睿旨下而徵聘行朝士賀而遺逸起於是命臣脫脫以中書右丞相領都總裁中書平章政事臣鐵睦爾達世中書右丞今平章政事臣賀惟一御史中丞今翰林學士承旨臣張起巖翰林學士臣歐陽玄侍御史今集賢侍講學士兼國子祭酒臣呂思誠翰林侍講學士臣揭傒斯奉命爲總裁官中書遴選儒臣宗文太監今兵部尚書臣廉惠山海牙翰林直學士臣王沂祕書著作佐郎臣徐曷國史院編修官臣陳繹曾分撰遼史起至正三年四月迄

四年三月發故府之積藏集遐方之匭獻蒐羅剔抉刪
潤研劇紀志表傳勒成一代之書藏否是非不迷千載
之實臣脫脫叨承隆寄幸覩成功載宣日月之光華願
效涓埃之補報我朝之論議歸正氣之直則辭之昌遼
國之君臣有知善者喜而惡者懼所撰本紀三十卷志
三十一卷表八卷列傳四十六卷各著論贊具存體裁
隨表以聞上塵天覽下情無任慚懼戰汗屏營之至臣
脫脫誠惶誠懼頓首頓首謹言

進遼史表

遼史目錄

元中書右丞相總裁脫脫等修

本紀三十卷

志三十一卷

表八卷

列傳四十六卷

凡一百七十六卷

本紀

遼史卷一

本紀第一

太祖上

遼史卷二

本紀第二

太祖下

遼史卷三

本紀第三

太宗上

遼史卷四

本紀第四

太宗下

遼史卷五

本紀第五

世宗

遼史卷六

本紀第六

穆宗上

遼史卷七

本紀第七

穆宗下

遼史卷八

本紀第八



景宗上

遼史卷九

本紀第九

景宗下

遼史卷十

本紀第十

聖宗一

遼史卷十一

本紀第十一

聖宗二

遼史卷十二

本紀第十二

聖宗三

遼史卷十三

本紀第十三

聖宗四

遼史卷十四

本紀第十四

聖宗五

遼史卷十五

乾隆四年校刊

遼史目錄

三

本紀第十五

聖宗六

遼史卷十六

本紀第十六

聖宗七

遼史卷十七

本紀第十七

聖宗八

遼史卷十八

本紀第十八

興宗一

遼史卷十九

本紀第十九

興宗二

遼史卷二十

本紀第二十

興宗三

遼史卷二十一

本紀第二十一

道宗一

遼史卷二十二

本紀第二十二

道宗二

遼史卷二十三

本紀第二十三

道宗三

遼史卷二十四

本紀第二十四

道宗四

遼史卷二十五

本紀第二十五

道宗五

遼史卷二十六

本紀第二十六

道宗六

遼史卷二十七

本紀第二十七

天祚一

遼史卷二十八

本紀第二十八

乾隆四年校刊

遼史目錄

五

天祚二

遼史卷二十九

本紀第二十九

天祚三

遼史卷三十

本紀第三十

天祚四

志

遼史卷三十一

志第一

遼史目錄

五

營衛上

宮衛

遼史卷三十二

志第二

營衛中

捺鉢

遼史卷三十三

志第三

營衛下

部族下

部族上

乾隆四年校刊

遼史目錄

六

遼史卷三十四

志第四

兵衛上

兵制

遼史卷三十五

志第五

兵衛中

御帳親軍

大首領軍

遼史卷三十六

衆部族軍

宮衛騎軍

志第六

兵衛下

五京都鄉丁

屬國軍

邊境戍兵

遼史卷三十七

志第七

地理一

上京道

邊防城

遼史卷三十八

志第八

乾隆四年校刊

遼史目錄

七

遼史目錄

六

地理二

東京道

遼史卷三十九

志第九

地理三

中京道

遼史卷四十

志第十

地理四

南京道

遼史卷四十一

志第十一

地理五

西京道

遼史卷四十二

志第十二

歷象上

大明歷元

遼史卷四十三

志第十三

乾隆四年校刊

遼史目錄

歷象中

閏考

遼史卷四十四

志第十四

歷象下

朔考下

刻漏

遼史卷四十五

志第十五

百官一

朔考上

象

官星

北面下

遼史卷四十六

志第十六

百官二

北面下

遼史卷四十七

志第十七上

百官三

南面上

遼史卷四十八

志第十七下

百官四

南面下

遼史卷四十九

志第十八

禮一

吉儀

遼史卷五十

志第十九

禮二

凶儀

遼史卷五十一

志第二十

禮三

軍儀

禮四

賓儀

遼史卷五十二

志第二十二

禮五

乾隆四年校刊

遼史目錄

十

遼史目錄

十一

嘉儀上

遼史卷五十三

志第二十二

禮六

嘉儀下

遼史卷五十四

志第二十三

樂

國樂

大樂

雅樂

散樂

鼓吹樂

橫吹樂

遼史卷五十五

志第二十四

儀衛一

國輿

遼史卷五十六

志第二十五

儀衛二

國服

遼史卷五十七

漢服

漢輿

志第二十六

儀衛三

符印

遼史卷五十八

志第二十七

儀衛四

國仗

漢仗

遼史卷五十九

志第二十八

黃旗

黃旗

渤海仗

鹵簿儀仗總目

鹵簿儀仗總目

食貨上

遼史卷六十

志第二十九

食貨下

遼史卷六十一

志第三十

刑法上

遼史卷六十二

志第三十一

刑法下

乾隆四年校刊

遼史目錄

七

遼史目錄

七

表

遼史卷六十三

表第一

世表

遼史卷六十四

表第二

皇子表

遼史卷六十五

表第三

公主表

遼史目錄

遼史卷六十六

表第四

皇族表

遼史卷六十七

表第五

外戚表

遼史卷六十八

表第六

遊幸表

遼史卷六十九

乾隆四年校刊

遼史目錄

三

表第七

部族表

遼史卷七十

表第八

屬國表

列傳

遼史卷七十一

列傳第一

后妃

肅祖昭烈皇后蕭氏

懿祖莊敬皇后蕭氏

玄祖簡獻皇后蕭氏

德祖宣簡皇后蕭氏

太祖淳欽皇后述律氏

太祖靖安皇后蕭氏

世宗懷節皇后蕭氏

世宗妃甄氏

穆宗皇后蕭氏

景宗睿知皇后蕭氏

聖宗仁德皇后蕭氏

聖宗欽哀皇后蕭氏

興宗仁懿皇后蕭氏

興宗貴妃蕭氏

道宗宣懿皇后蕭氏

道宗惠妃蕭氏

天祚皇后蕭氏

天祚德妃蕭氏

天祚文妃蕭氏

天祚元妃蕭氏

遼史卷七十二

列傳第二

宗室

義宗

倍

子平王隆先

晉王道隱

章肅皇帝

李胡

子宋王喜隱

順宗

濬

晉王敖盧幹

遼史卷七十三

列傳第三

耶律曷魯

蕭敵魯

阿古只

耶律斜捏赤

老古

頗德

耶律欲穩

耶律海里

遼史卷七十四

列傳第四

耶律敵刺

蕭痕篤

康默記

延壽

韓延徽

德樞 紹芳

紹勳 資讓

韓知古

匡嗣

德源

德凝

遼史卷七十五

列傳第五

耶律靚烈

羽之

耶律鐸臻

古

突呂不

王郁

耶律圖魯窘

遼史卷七十六

列傳第六

耶律解里

耶律拔里得

耶律朔古

耶律魯不古

趙延壽

高模翰

趙思溫

耶律漚里思

張礪

遼史卷七十七

列傳第七

耶律屋質

耶律吼

何魯不

耶律安搏

耶律注

耶律頽昱

耶律撻烈

遼史卷七十八

列傳第八

耶律夷曷葛

蕭海瓌

蕭護思

蕭思溫

蕭繼先

遼史卷七十九

列傳第九

室昉

耶律賢適

女里

郭襲

耶律阿没里

遼史卷八十

列傳第十

張儉

邢抱朴

馬德臣

蕭朴

耶律八哥

遼史卷八十一

列傳第十一

耶律室魯

歐里斯

王繼忠

蕭孝忠

陳昭衮

蕭合卓

遼史卷八十二

列傳第十二

耶律隆運

德威

滌魯

制心

耶律勃古哲

蕭陽阿

武白

蕭常哥

耶律虎古

磨魯古

遼史卷八十三

列傳第十三

耶律休哥 馬哥

耶律斜軫

耶律奚低

耶律學古 烏不呂

遼史卷八十四

列傳第十四

耶律沙

耶律抹只

蕭幹 討古

耶律善補

耶律海里

遼史卷八十五

列傳第十五

蕭撻凜

蕭觀音奴

耶律題子

耶律諧理

耶律奴瓜

蕭柳

高勳

奚和朔奴

蕭塔烈葛

耶律撒合

遼史卷八十六

列傳第十六

耶律合住

劉景

劉六符

耶律裹履

牛溫舒

杜防

蕭和尙 特末

耶律合理只

耶律頗的

遼史卷八十七

列傳第十七

蕭孝穆

撒八
孝友

孝先

蕭蒲奴

耶律蒲古

夏行美

遼史卷八十八

列傳第十八

蕭敵烈

拔刺

耶律盆奴

蕭排押

恒德匹敵

耶律資忠

耶律瑤質

耶律弘古

高王

耶律的祿

大康父

遼史卷八十九

列傳第十九

耶律庶成

庶箴
蒲魯

楊哲

耶律韓留

楊信

耶律和尙

遼史卷九十

列傳第二十

蕭阿剌

耶律義先

弟信先

蕭陶隗

蕭塔刺葛

耶律敵祿

遼史卷九十一

列傳第二十一

耶律韓八

耶律唐古

蕭朮哲

姪藥師奴

耶律玦

耶律僕里篤

遼史卷九十二

列傳第二十二

蕭奪刺

蕭普達

耶律侯哂

耶律古昱

耶律獨擲

蕭韓家

蕭烏野

遼史卷九十三

列傳第二十三

蕭惠

蕭迂魯

鐸盧幹

蕭圖玉

耶律鐸軫

遼史卷九十四

列傳第二十四

耶律化哥

耶律幹臘

耶律速撒

蕭阿魯帶

耶律那也

耶律阿魯掃古

耶律世良

遼史卷九十五

列傳第二十五

耶律弘古

耶律馬六

蕭滴測

耶律適祿

耶律陳家奴

耶律特麼

耶律仙童

蕭素颺

耶律大悲奴

遼史卷九十六

列傳第二十六

耶律仁先

撻不也

耶律良

蕭韓家奴

蕭德

蕭惟信

蕭樂音奴

耶律敵烈

姚景行

耶律阿思

遼史卷九十七

列傳第二十七

耶律斡特刺

孩里

寶景庸

耶律引吉

楊績

趙徽

王觀

耶律喜孫

遼史卷九十八

列傳第二十八

蕭兀納

耶律儼

劉伸

耶律胡呂

遼史卷九十九

列傳第二十九

蕭巖壽

耶律撒刺

蕭速撒

耶律撻不也

蕭撻不也

蕭忽古

耶律石柳

遼史卷一百

列傳第三十

耶律棠古

蕭得里底

蕭酬幹

耶律章奴

耶律朮者

遼史卷一百一

列傳第三十一

蕭陶蘇幹

耶律阿息保

蕭乙薛

蕭胡篤

遼史卷一百二

列傳第三十二

蕭奉先

李處溫

張琳

耶律余覲

遼史卷一百三

列傳第三十三

文學上

蕭韓家奴

遼史卷一百四

列傳第三十四

文學下

王鼎

耶律昭

劉輝

耶律孟簡

耶律谷欲

遼史卷一百五

列傳第三十五

能吏

太公鼎

蕭文

遼史目錄

馬人望

耶律鐸魯幹

楊遵勗

王棠

遼史卷一百六

列傳第三十六

卓行

蕭扎刺

耶律官奴

蕭蒲离不

遼史卷一百七

列傳第三十七

列女

邢簡妻

耶律氏常哥

耶律奴妻

耶律术者妻

耶律中妻

遼史卷一百八

列傳第三十八

方技

直魯古

玉白

魏璘

耶律敵魯

耶律乙不哥

遼史卷一百九

乾隆四年校刊

遼史目錄

信

遼史目錄
列傳第三十九

伶官

羅衣輕

宦官

王繼恩

趙安仁

遼史卷一百一十

列傳第四十

姦臣上

耶律乙辛

耶律燕哥

張孝傑

蕭十三

遼史卷一百一十一

列傳第四十一

姦臣下

蕭余里也

蕭得裏特

蕭達魯古

蕭圖古辭

耶律合魯

蕭訛都幹

耶律塔不也

遼史卷一百一十二

列傳第四十二

逆臣上

遼史目錄

轄底 迭里特

察割

重元 涅魯古

滑哥

遼史卷一百一十三

列傳第四十三

逆臣中

蕭翰

耶律牒蟬

耶律朗

耶律劉哥 益都

耶律海思

耶律敵獵

蕭革

遼史卷一百一十四

列傳第四十四

逆臣下

蕭胡覩

蕭迭里得

古迭

耶律撒刺竹

奚回離保

蕭特烈

遼史卷一百一十五

列傳第四十五

外紀

高麗

西夏

遼史卷一百一十六

乾隆四年校刊


遼史目錄

三

國語解第四十六

國語解

遼史目錄



遼史卷一

元中書右丞相總裁脫脫等修

本紀第一

太祖上

太祖大聖大明神烈天皇帝姓耶律氏諱億字阿保機
小字啜里只契丹迭刺部霞瀨益石烈鄉耶律彌里人
德祖皇帝長子母曰宣簡皇后蕭氏唐咸通十三年生
初母夢日墮懷中有娠及生室有神光異香體如三歲
兒卽能匍匐祖母簡獻皇后異之鞠爲己子常匿於別
幕塗其面不令他人見三月能行碎而能言知未然事

自謂左右若有神人翼衛雖齟齬言必及世務時伯父當國疑輒咨焉旣長身長九尺豐上銳下目光射人關弓三百斤爲撻馬狻沙里時小黃室韋不附太祖以計降之伐越兀及烏吉六奚比沙狻諸部克之國人號阿主沙里唐天復元年歲辛酉痕德董可汗立以太祖爲本部夷離董專征討連破室韋于厥及奚帥轄刺哥俘獲甚衆冬十月授大迭烈府夷離董明年秋七月以兵四十萬伐河東河北攻下九郡獲生口九萬五千駝馬牛羊不可勝紀九月城龍化州于潢河之南始建開教寺明年春伐女直下之獲其戶三百九月復攻下河東

懷遠等軍冬十月引軍畧至薊北俘獲以還先是德祖俘奚七千戶徙饒樂之清河至是創爲奚迭刺部分十三縣遂拜太祖于越總知軍國事明年歲甲子三月廣龍化州之東城九月討黑車子室韋唐盧龍軍節度使劉仁恭發兵數萬遣養子趙霸來拒霸至武州太祖謀知之伏勁兵桃山下遣室韋人牟里詐稱其酋長所遣約霸兵會平原旣至四面伏發擒霸殲其衆乘勝大破室韋明年七月復討黑車子室韋唐河東節度使李克用遣通事康令德乞盟冬十月太祖以騎兵七萬會克用于雲州宴酣克用借兵以報劉仁恭木瓜澗之役太

祖許之易袍馬約爲兄弟及進兵擊仁恭拔數州盡徙其民以歸明年二月復擊劉仁恭還襲山北奚破之汴州朱全忠遣人浮海奉書幣衣帶珍玩來聘十一月遣偏師討奚霫諸部及東北女直之未附者悉破降之十二月痕德董可汗殂羣臣奉遺命請立太祖曷魯等勸進太祖三讓從之

元年春正月庚寅命有司設壇于如迂王集會燬燔柴告天卽皇帝位尊母蕭氏爲皇太后立皇后蕭氏北宰相蕭轄刺南宰相耶律歐里思率羣臣上尊號曰天皇帝后曰地皇后庚子詔皇族承遙輦氏九帳爲第十帳

二月戊午以從弟迭栗底爲迭烈府夷離董是月征黑車子室韋降其八部夏四月丁未朔唐梁王朱全忠廢其主尋弒之自立爲帝國號梁遣使來告劉仁恭子守光囚其父自稱幽州盧龍軍節度使秋七月乙酉其兄平州刺史守奇率其衆數千人來降命置之平盧城冬十月乙巳討黑車子室韋破之

二年春正月癸酉朔御正殿受百官及諸國使朝辛巳始置惕隱典族屬以皇弟撒刺爲之河東李克用子存勗襲遣使弔慰夏五月癸酉詔撒刺討烏丸黑車子室韋秋八月壬子幽州進合歡瓜冬十月己亥朔建明王

樓築長城於鎮東海口遣輕兵取吐渾叛入室韋者
三年春正月幸遼東二月丁酉朔梁遣郎公遠來聘三
月滄州節度使劉守文爲弟守光所攻遣人來乞兵討
之命皇弟舍利素夷离堇蕭敵魯以兵會守文於北淖
口進至橫海軍近淀一鼓破之守光潰去因名北淖口
爲會盟口夏四月乙卯詔左僕射韓知古建碑龍化州
大廣寺以紀功德五月甲申置羊城于炭山之北以通
市易冬十月己巳遣鷹軍討黑車子室韋破之西北盟
娘改部族進輓車人

四年秋七月戊子朔以后兄蕭敵魯爲北府宰相后族
爲相自此始冬十月烏馬山奚庫支及查刺底鋤勃德
等叛討平之

五年春正月丙戌朔日有食之丙申上親征西部奚奚
阻險叛服不常數招諭弗聽是役所向輒下遂分兵討
東部奚亦平之於是盡有奚霽之地東際海南暨白檀
西踰松漠北抵潢水凡五部咸入版籍三月次灤河刻
石紀功復畧地薊州夏四月壬申遣人使梁五月皇弟
刺葛迭刺寅底石安端謀反安端妻粘睦姑知之以告
得實上不忍加誅乃與諸弟登山刑姓告天地爲誓而
赦其罪出刺葛爲迭刺部夷离堇封粘睦姑爲晉國夫

人秋七月壬午朔斜離底泊諸蕃使來貢八月甲子劉
守光僭號幽州稱燕冬十月戊午置鐵冶十一月壬午
遣人使梁

六年春正月以化葛爲惕隱二年戊午親征劉守光三
月至自幽州夏四月梁郢王友珪弑父自立秋七月丙
午親征朮不姑降之俘獲以數萬計命弟刺葛分兵攻
平州八月壬辰上次恩德山皇子李胡生冬十月戊寅
刺葛破平州還復與迭刺寅底石安端等反甲申遣人
使梁致祭壬辰還次北阿魯山聞諸弟以兵阻道引軍
南趨十七樂是日燔柴翼日次七渡河諸弟各遣人謝

罪上猶矜憐許以自新是歲以兵討兩冶以所獲僧崇
文等五十人歸西樓建天雄寺以居之以示天助雄武
七年春正月甲辰朔以用兵免朝晉王李存勗拔幽州
擒劉守光甲寅王師次赤水城弟刺葛等乞降上素服
乘赭白馬以將軍耶律樂姑轄刺僅阿鉢爲御解兵器
肅侍衛以受之因加慰諭刺葛等引退上復數遣使撫
慰二月甲戌朔梁均王友貞討殺其兄友珪嗣立三月
癸丑次蘆水弟迭刺哥圖爲奚王與安端擁千餘騎而
至給稱入覲上怒曰爾曹始謀逆亂朕特恕之使改過
自新尚爾反覆將不利於朕遂拘之以所部分隸諸軍

而刺葛引其衆至乙室堇淀具天子旗鼓將自立皇太后陰遣人諭令避去會弭姑乃懷里陽言車駕且至其衆驚潰掠居民北走上以兵追之刺葛遣其黨寅底石引兵徑趨行宮焚其輜重廬帳縱兵大殺皇后急遣蜀古魯救之僅得天子旗鼓而已其黨神速姑復劫西樓焚明王樓上至土河秣馬休兵若不爲意諸將請急追之上曰俟其遠遁人各懷土懷土旣切其心必離我軍乘之破之必矣盡以先所獲資畜分賜將士留夷離畢直里姑總政務夏四月戊寅北追刺葛已卯次彌里問諸弟面木葉山射鬼箭厭禳乃執叛人解里向彼亦以

其法厭之至達里淀選輕騎追及培只河盡獲其黨輜重生口先遣室韋及吐渾酋長拔刺迪里姑等五人分兵伏其前路命北宰相迪里古爲先鋒進擊之刺葛率兵逆戰迪里古以輕兵薄之其弟遏古只臨陣射數十人斃衆莫敢前相拒至晡衆乃潰追至柴河遂自焚其車乘廬帳而去前遇拔刺迪里姑等伏發合擊遂大敗之刺葛奔潰遺其所奪神帳於路上見而拜奠之所獲生口盡縱歸本土其黨庫古只磨朶皆面縛請罪師次札堵河大雨暴漲五月癸丑遣北宰相迪釐率驍騎先渡甲寅奏擒刺葛涅里衮阿鉢於榆河前北宰相蕭實

魯寅底石自剄不殊遂以黑白羊祭天地壬戌刺葛涅里衮阿鉢詣行在以橐索自縛牽羊望拜上還至大嶺時大軍久出輜重不相屬士卒煮馬駒採野菜以爲食孳畜道斃者十七八物價十倍器服資貨委棄於楚里河狼藉數百里因更刺葛名暴里丙寅至庫里以青牛白馬祭天地以生口六百馬二千三百分賜大小鶻軍六月辛巳至榆嶺以轄賴縣人掃古非法殘民磔之甲申上登都庵山撫其先奇首可汗遺跡徘徊顧瞻而興歎焉聞獄官涅离擅造大校人不堪其苦有至死者命誅之壬辰次狼河獲逆黨雅里彌里生薶之銅河南軌下放所俘還多爲于骨里所掠上怒引輕騎馳擊復遣驍將分道追襲盡獲其衆并掠者庚子次阿敦灤以養子涅里思附諸弟叛以鬼箭射殺之其餘黨六千各以輕重論刑于厥掠生口者三十餘人亦俾贖其罪放歸本部至石嶺西詔收回軍乏食所棄兵仗召北府兵驗而還之以夷离葦涅里衮附諸弟爲叛不忍顯戮命自投崖而死秋八月己卯幸龍眉宮轅逆黨二十九人以其妻女賜有功將校所掠珍寶孳畜還主亡其本物者命責償其家不能償者賜以其部曲九月壬戌上發自西樓冬十月庚午駐赤崖戊寅和州回鶻來貢癸未乙

室府人迪里古迷骨离部人特里以從逆誅詔羣臣分
決滯訟以韓知古錄其事只里姑掌捕亡十一月祠木
葉山還次昭烏山省風俗見高年議朝政定吉凶儀十
二月戊子燔柴于蓮花灤

八年春正月甲辰以曷魯爲迭刺部夷离董忽烈爲惕
隱于骨里部人特离敏執逆黨怖胡亞里只等十七人
來獻上親鞫之辭多連宗室及有脅從者乃杖殺首惡
怖胡餘竝原釋于越率懶之子化哥屢蓄姦謀上每優
容之而反覆不悛召父老羣臣正其罪并其子戮之分
其財以給衛士有司所鞫逆黨三百餘人獄旣具上以

人命至重死不復生賜宴一日隨其平生之好使爲之
酒酣或歌或舞或戲射角觥各極其意明日乃以輕重
論刑首惡刺葛其次迭刺哥上猶弟之不忍寘法杖而
釋之以寅底石安端性本庸弱爲刺葛所使皆釋其罪
前于越赫底里子解里刺葛妻轄刺已實預逆謀命皆
絞殺之寅底石妻涅离脅從安端妻粘睦姑嘗有忠告
竝免因謂左右曰諸弟性雖敏黠而蓄姦稔惡嘗自矜
有出人之智安忍兇狠谿壑可塞而貪黷無厭求人之
失雖小而可恕謂重如泰山身行不義雖入大惡謂輕
於鴻毛昵比羣小謀及婦人同惡相濟以危國祚雖欲

不敗其可得乎北宰相實魯妻餘盧覩姑於國至親一
旦負朕從于叛逆未寘之法而病死此天誅也解里自
幼與朕嘗同寢食眷遇之厚冠於宗屬亦與其父背大
恩而從不軌茲可恕乎秋七月丙申朔有司上諸帳族
與謀逆者三百餘人罪狀皆棄市土歎曰致人于死豈
朕所欲若止負朕躬尚可容貸此曹恣行不道殘害忠
良塗炭生民剽掠財產民間昔有萬馬今皆徒步有國
以來所未嘗有實不得已而誅之冬十月甲子朔建開
皇殿於明王樓基

九年春正月烏古部叛討平之夏六月幽州軍校齊行
本舉其族及其部曲男女三千人請降詔授檢校尚書
左僕射賜名兀欲給其廩食數日亡去幽帥周德威納
之及詔索之德威語不遜乃議南征冬十月戊申釣魚
于鴨淥江新羅遣使貢方物高麗遣使進寶劍吳越王
錢鏐遣滕彥休來貢是歲君基太一神數見詔圖其像
神冊元年春二月丙戌朔上在龍化州迭烈部夷离堇
耶律葛魯等率百僚請上尊號三表乃允丙申羣臣及
諸屬國築壇州東上尊號曰大聖大明天皇帝后曰應
天大明地皇后大赦建元神冊初闕地爲壇得金鈴因
名其地曰金鈴岡壇側滿林曰冊聖林三月丙辰以迭

烈部夷离堇曷魯爲阿廬朶里于越百僚進秩頒賚有
差賜醕三日立子倍爲皇太子夏四月乙酉朔晉幽州
節度使盧國用來降以爲幽州兵馬留後甲辰梁遣郎
公遠來賀六月庚寅吳越王遣滕彥休來貢秋七月壬
申親征突厥吐渾党項小蕃沙陀諸部皆平之俘其酋
長及其戶萬五千六百鎧甲兵仗器服九十餘萬寶貨
駝馬牛羊不可勝算八月拔朔州擒節度使李嗣本勒
石紀功於奇塚南冬十月癸未朔乘勝而東十一月攻
蔚新武媯儒五州斬首萬四千七百餘級自代北至河
曲踰陰山盡有其地遂改武州爲歸化州媯州爲可汗
州置西南面招討司選有功者領之其圍蔚州敵樓無
故自壞衆軍大譟乘之不踰時而破時梁及吳越二使
皆在焉詔引環城觀之因賜滕彥休名曰述呂十二月
收山北八軍

二年春二月晉新州裨將盧文進殺節度使李存矩來
降進攻其城刺史安金全遁以文進部將劉殷爲刺史
三月辛亥攻幽州節度使周德威以幽并鎮定魏五州
兵拒于居庸關之西合戰於新州東大破之斬首三萬
餘級殺李副本之子武八以后弟阿骨只爲統軍實魯
爲先鋒東出關畧燕趙不遇敵而還己未于骨里叛命

室魯以兵討之夏四月壬午圍幽州不克六月乙巳望
城中有氣如烟火狀上曰未可攻也以大暑霖潦班師
留曷魯盧國用守之刺葛與其子賽保里叛入幽州秋
八月李存勗遣李嗣源等救幽州曷魯等以兵少而還
三年春正月丙申以皇弟安端爲大內惕隱命攻雲州
及西南諸部二月達旦國來聘癸亥城皇都以禮部尚
書康默記充版築使梁遣使來聘晉吳越渤海高麗回
鶻阻卜党項及幽鎮定魏潞等州各遣使來貢夏四月
乙巳皇弟迭烈哥謀叛事覺知有罪當誅預爲營壙而
諸戚請免上素惡其弟寅底石妻涅里袞乃曰涅里袞
能代其死則從涅里袞自縊壙中并以奴女古叛人曷
魯只生瘞其中遂赦迭烈哥五月乙亥詔建孔子廟佛
寺道觀秋七月乙酉于越曷魯薨上震悼久之輟朝三
日贈賻有加冬十二月庚子朔幸遼陽故城辛丑北府
宰相蕭敵魯薨戊午以于越曷魯弟汗里軫爲迭烈部
夷离堇蕭阿古只爲北府宰相甲子皇孫隈欲生

遼史卷一

遼史卷一考證

太祖紀上太祖字阿保機德祖皇帝長子○臣長發按

北庭雜記太祖父諱斡里遼史不載

三年二月丁酉朔梁遣郎公遠來聘○臣長發按資治

通鑑梁開平元年五月契丹遣其臣袍笏梅老來通

好帝遣太府少卿高頎報之二年五月契丹遣使隨

高頎入貢且求冊命帝復遣司農卿渾特賜以手書

是契丹聘梁二年中連有二使遼史不書此特書梁

遣郎公遠來聘是梁之專使非報使也修史者各自

尊其本國故凡書聘之例皆如此

七年春正月晉王李存勗拔幽州擒劉守光○臣人龍


按五代新史唐莊宗本紀十年十月王如幽州劉守光背約不降攻破之十一年殺燕王劉守光於太原考天祐十年卽遼太祖之七年也晉王拔幽州事在七年十月殺守光在次年之春正月此書擒守光于七年之春正月與五代史不符

神冊元年春二月大赦建元○臣浩按舊史不記保機


傳故也
建元事自耶律德光方記天顯之名疑當時未得其傳故也

八月拔朔州擒節度使李嗣本○臣長發按資治通鑑

契丹主阿保機自麟勝攻晉蔚州陷之虜振武節度使李嗣本注麟勝至蔚州中間懸隔雲朔蔚州恐當作朔州據此則遼史書朔州可正通鑑之誤



遼史卷一考證



遼史卷二

元中書右丞相總裁脫脫等修

大本紀第二

太祖下

四年春正月丙申射虎東山二月丙寅修遼陽故城以漢民渤海戶實之改爲東平郡置防禦使夏五月庚辰至自東平郡秋八月丁酉謁孔子廟命皇后皇太子分謁寺觀九月征烏古部道聞皇太后不豫一日馳六百里還侍太后病間復還軍中冬十月丙午次烏古部天大風雪兵不能進上禱于天俄頃而霽命皇太子將先

鋒軍進擊破之俘獲生口萬四千二百牛馬車乘廬帳
器物二十餘萬自是舉部來附
五年春正月乙丑始製契丹大字夏五月丙寅吳越王
復遣滕彥休貢犀角珊瑚授官以遣庚辰有龍見于拽
刺山陽水上上射獲之藏其骨內府閏六月丁卯以皇
弟蘇爲惕隱康默記爲夷離畢秋八月己未朔党項諸
部叛辛未上親征九月己丑朔梁遣郎公遠來聘壬寅
大字成詔頒行之皇太子率迭刺部夷離董汗里軫等
畧地雲內天德冬十月辛未攻天德癸酉節度使宋瑤
降賜弓矢鞍馬旗鼓更其軍曰應天甲戌班師宋瑤復
叛丙子拔其城擒宋瑤俘其家屬徙其民於陰山南十
二月己未師還

六年春正月丙午以皇弟蘇爲南府宰相迭里爲惕隱
南府宰相自諸弟構亂府之名族多罹其禍故其位久
虛以鋤得部轄得里只里古攝之府中數請擇任宗室
上以舊制不可輒變請不已乃告于宗廟而後授之宗
室爲南府宰相自此始夏五月丙戌朔詔定法律正班
爵丙申詔畫前代直臣像爲招諫圖及詔長吏四孟月
詢民利病六月乙卯朔日有食之冬十月癸丑朔晉新
州防禦使王郁以所部山北兵馬內附丙子上率大軍

入居庸關十一月癸卯下古北口丁未分兵畧檀順安
遠三河良鄉望都潞滿城遂城等十餘城俘其民徙內
地十二月癸丑王郁率其衆來朝土呼郁爲子賞賚甚
厚而徙其衆于潢水之南庚申皇太子率王郁畧地定
州康默記攻長蘆晉義武軍節度使王處直養子都囚
其父自稱留後癸亥圍涿州有白兔緣壘而上是日破
其郭癸酉刺史李嗣弼以城降乙亥存勗至定州王都
迎謁馬前存勗引兵趨望都遇我軍禿餒五千騎圍之
存勗力戰數四不解李嗣昭領三百騎來救我軍少却
存勗乃得出大戰我軍不利引歸存勗至幽州遣二百

騎躡我軍後我軍反擊悉擒之己卯還次檀州幽人來
襲擊走之擒其裨將詔徙檀順民于東平瀋州

天贊元年春二月庚申復徇幽薊地癸酉詔改元赦軍
前殊死以下夏四月甲寅攻薊州戊午拔之擒刺史胡
瓊以盧國用涅魯古典軍民事壬戌大饗軍士癸亥李
存勗圍鎮州張文禮求援命郎君迭烈將軍康末怛往
擊敗之殺其將李嗣昭辛未攻石城縣拔之五月丁未
張文禮卒其子處瑾遣人奉表來謝六月遣鷹軍擊西
南諸部以所獲賜貧民冬十月甲子以蕭霞的爲北府
宰相分迭刺部爲二院斜涅赤爲北院夷离堇縮思爲

南院夷离堇詔分北大濃兀爲二部立兩節度使以統之十一月壬寅命皇子堯骨爲天下兵馬大元帥畧地薊北

二年春正月丙申大元帥堯骨克平州獲刺史趙思溫裨將張崇二月如平州甲子以平州爲盧龍軍置節度使三月戊寅軍于箭筈山討叛奚胡損獲之射以鬼箭誅其黨三百人沉之狗河置奚墮瑰部以勃魯恩權總其事夏四月己酉梁遣使來聘吳越王遣使來貢癸丑命堯骨攻幽州迭刺部夷离堇覲烈狗山西地庚申堯骨軍幽州東節度使符存審遣人出戰敗之擒其將裴信父子閏月庚辰堯骨抵鎮州壬午拔曲陽丙戌下北平是月晉王李存勗卽皇帝位國號唐五月戊午堯骨師還癸亥大饗軍士賞賚有差六月辛丑波斯國來貢秋七月前北府宰相蕭阿古只及王郁狗地燕趙冬十月辛未朔日有食之己卯唐兵滅梁

三年春正月遣兵畧地燕南夏五月丙午以惕隱迭里爲南院夷离堇是月徙薊州民實遼州地渤海殺其刺史張秀實而掠其民六月乙酉召皇后皇太子大元帥及二宰相諸部頭等詔曰上天降監惠及烝民聖明王萬載一遇朕旣上承天命下統羣生每有征行皆奉

天意是以機謀在己取舍如神國令既行人情大附舛訛歸正遐邇無愆可謂大含溟海安納泰山矣自我國之經營爲羣方之父母憲章斯在亂嗣何憂升降有期去來在我良籌聖會自有契於天人衆國羣王豈可化其凡骨三年之後歲在丙戌時值初秋必有歸處然未終兩事豈負親誠日月非遙戒嚴是速聞詔者皆驚懼莫識其意是日大舉征吐渾党項阻卜等部詔皇太子監國大元帥堯骨從行秋七月辛亥曷刺等擊素昆那山東部族破之八月乙酉至烏孤山以鵝祭天甲午次古單于國登阿里典壓得斯山以麋鹿祭九月丙申朔次古回鶻城勒石紀功庚子拜日于蹕林丙午遣騎攻阻卜南府宰相蘇南院夷离堇迭里畧地西南乙卯蘇等獻俘丁巳鑿金河水取烏山石輦致潢河木葉山以示山川朝海宗嶽之意癸亥大食國來貢甲子詔礮闢遏可汗故碑以契丹突厥漢字紀其功是月破胡母思山諸蕃部次業得思山以赤牛青馬祭天地回鶻霸里遣使來貢冬十月丙寅朔獵寓樂山獲野獸數千以充軍食丁卯軍于霸離思山遣兵踰流沙拔浮圖城盡取西鄙諸部十一月乙未朔獲甘州回鶻都督畢離遏因遣使諭其主烏毋主可汗射虎于烏刺那里山抵霸室

山六百餘里且行且獵日有鮮食軍士皆給

四年春正月壬寅以捷報皇后皇太子二月丙寅大元帥堯骨畧党項丁卯皇后遣康末怛問起居進御服酒膳乙亥蕭阿古只畧燕趙還進牙旗兵仗辛卯堯骨獻党項俘三月丙申饗軍于冰精山夏四月甲子南攻小蕃下之皇后皇太子迎謁於札里河癸酉回鶻烏毋主可汗遣使貢謝五月甲寅清暑室韋北陁秋九月癸巳至自西征冬十月丁卯唐以滅梁來告卽遣使報聘庚辰日本國來貢辛巳高麗國來貢十一月丁酉幸安國寺飯僧赦京師囚縱五坊鷹鶻己酉新羅國來貢十二月乙亥詔曰所謂兩事一事已畢惟渤海世讐未雪豈宜安駐乃舉兵親征渤海大誣誤皇后皇太子大元帥堯骨皆從閏月壬辰祠木葉山壬寅以青牛白馬祭天地于烏山己酉次撒葛山射鬼箭丁巳次商嶺夜圍扶餘府

天顯元年春正月己未白氣貫日庚申拔扶餘城誅其守將丙寅命楊隱安端前北府宰相蕭阿古只等將萬騎爲先鋒遇誣誤老相兵破之皇太子大元帥堯骨南府宰相蘇北院夷离堇斜涅赤南院夷离堇迭里是夜圍忽汗城己巳誣誤請降庚午駐軍于忽汗城南辛未

誣譟素服橐索牽羊率僚屬三百餘人出降上優禮而釋之甲戌詔諭渤海郡縣丙子遣近侍康末怛等十三人入城索兵器爲邏卒所害丁丑誣譟復叛攻其城破之駕幸城中誣譟請罪馬前詔以兵衛誣譟及族屬以出祭告天地復還軍中二月庚寅安邊鄭頡南海定理等府泊諸道節度刺史來朝慰勞遣之以所獲器幣諸物賜將士壬辰以青牛白馬祭天地大赦改元天顯以平渤海遣使報唐甲午復幸忽汗城閱府庫物賜從臣有差以奚部長勃魯恩王郁自回鶻新羅吐蕃党項室韋沙陀烏古等從征有功優加賞賚丙午改渤海國爲

東丹忽汗城爲天福冊皇太子倍爲人皇王以主之以皇弟迭刺爲左大相渤海老相爲右大相渤海司徒大素賢爲左次相耶律羽之爲右次相赦其國內殊死以下丁未高麗滅貊鐵驪靺鞨來貢三月戊午遣夷離堇康默記左僕射韓延徽攻長嶺府甲子祭天丁卯幸人皇王宮己巳安邊鄭頡定理三府叛遣安端討之丁丑三府平壬午安端獻俘誅安邊府叛帥二人癸未宴東丹國僚佐頒賜有差甲申幸天福城乙酉班師以大誣譟舉族行夏四月丁亥朔次繖子山辛卯人皇王率東丹國僚屬辭是月唐養子李嗣源反郭存謙弒其主存

勗嗣源遂即位五月辛酉南海定理二府復叛大元帥
堯骨討之六月丁酉二府平丙午次慎州唐遣姚坤以
國哀來告秋七月丙辰鐵州刺史衛鈞反乙丑堯骨攻
拔鐵州庚午東丹國左大相迭刺卒卒未衛送大誣譏
于皇都西築城以居之賜諱譯名曰烏魯古妻曰阿里
只盧龍行軍司馬張崇叛奔唐甲戌次扶餘府上不豫
是夕大星隕于幄前辛巳平旦子城上見黃龍繚繞可
長一里光耀奪目入于行宮有紫黑氣蔽天踰日乃散
是日上崩年五十五天贊三年上所謂丙戌秋初必有
歸處至是乃驗壬午皇后稱制權決軍國事八月辛卯

康默記等攻下長嶺府甲午皇后奉梓宮西遷壬寅堯
骨討平諸州奔赴行在乙巳人皇王倍繼至九月壬戌
南府宰相蘇薨丁卯梓宮至皇都權殯于子城西北己
巳上諡昇天皇帝廟號太祖冬十月盧龍軍節度使盧
國用叛奔于唐十一月丙寅殺南院夷離堇耶律迭里
郎君耶律匹魯等二年八月丁酉葬太祖皇帝于祖陵
置祖州天城軍節度使以奉陵寢統和二十六年七月
進諡大聖大明天皇帝重熙二十一年九月加諡大聖
大明神烈天皇帝太祖所崩行宮在扶餘城西南兩河
之間後建昇天殿于此而以扶餘為黃龍府云


贊曰遼之先出自炎帝世爲審吉國其可知者蓋自奇
首云奇首生都菴山徙黃河之濱傳至雅里始立制度
置官屬刻木爲契穴地爲牢讓阻午而不肯自立雅里
生毗牒毗牒生頽頽頽領生耨里思大度寡欲令不嚴
而人化是爲肅祖肅祖生薩刺德嘗與黃室韋挑戰矢
貫數札是爲懿祖懿祖生勻德實始教民稼穡善畜牧
國以殷富是爲玄祖玄祖生撒刺的仁民愛物始置鐵
冶教民鼓鑄是爲德祖卽太祖之父也世爲契丹遙輦
氏之夷离堇執其政柄德祖之弟述瀾北征于厥室韋
南畧易定奚霫始興板築置城邑教民種桑麻習織組
已有廣土衆民之志而太祖受可汗之禪遂建國東征
西討如折枯拉朽東自海西至于流沙北絕大漠信威
萬里歷年二百豈一日之故哉周公誅管蔡人未有能
非之者刺葛安端之亂太祖旣貸其死而復用之非人
君之度乎舊史扶餘之變亦異矣夫

遼史卷二

遼史卷二考證

太祖紀下神冊六年晉新州防禦使王郁以所部兵馬
內附○ 臣長發 按五代新史亦云郁新州防禦使惟
資治通鑑則云郁新州團練使

天贊三年春正月遣兵畧地燕南夏五月渤海殺其刺
史張秀實而掠其民○ 臣長發 按通鑑所書是年契
丹寇晉無虛月兵征渤海亦有月分可考乃遼史僅
于正月書畧地燕南于五月書渤海殺刺史掠民以
是知修史者遺漏之多也



遼史卷二考證

遼史卷二

元中書右丞相總裁脫脫等修

本紀第三

太宗上

太宗孝武惠文皇帝諱德光字德謹小字堯骨太祖第二子母淳欽皇后蕭氏唐天復二年生神光異常獵者獲白鹿白鷹人以爲瑞及長貌嚴重而性寬仁軍國之務多所取決天贊元年授天下兵馬大元帥尋詔統六軍南徇地明年下平州獲趙思溫張崇回破箭筈山胡遜奚諸部悉降復以兵掠鎮定所至皆堅壁不敢戰師

次幽州符存審拒于州南縱兵邀擊大破之擒裨將裴
信等數十人及從太祖破于厥里諸部定河壩党項下
山西諸鎮取回鶻單于城東平渤海破達盧古部東西
萬里所向皆有功天顯元年七月太祖崩皇后攝軍國
事明年秋治祖陵畢冬十一月壬戌人皇王倍率羣臣
請于后曰皇子大元帥勲望中外攸屬宜承大統后從
之是日卽皇帝位癸亥謁太祖廟丙寅行柴冊禮戊辰
還都壬申御宣政殿羣臣上尊號曰嗣聖皇帝大赦有
司請改元不許十二月庚辰尊皇太后爲太皇太后皇
后爲應天皇后立妃蕭氏爲皇后禮畢閱近侍班局
辛巳諸道將帥辭歸鎮己丑祀天地庚寅遣使諭諸國
辛卯閱羣牧于近郊戊戌女直遣使來貢壬寅謁太祖
廟甲辰閱旗鼓客省諸局官屬丁未詔選遙輦氏九帳
子弟可任官者

三年春正月己酉閱北剋兵籍庚戌閱南剋兵籍丁巳
閱皮室拽刺墨离三軍己未黃龍府羅涅河女直達盧
古來貢庚午以王郁爲興國軍節度使守中書令二月
幸長灤己亥惕隱涅里衮進白狼辛丑達盧古來貢三
月乙卯東蒐癸亥獵殺斃山乙丑獵松山唐義武軍節
度使王都遣人以定州來歸唐主出師討之使來乞援

遼史卷三

命奚禿里鐵刺往救之四月戊寅東巡己卯祭麋鹿神
丁亥於獵所縱公私取羽毛革木之材甲午取箭材赤
山丙申獵三山鐵刺敗唐將王宴球于定州唐兵大集
鐵刺請益師辛丑命惕隱涅里袞都統查刺赴之五月
丙午建天膳堂獵索刺山戊申至自獵丁卯命林牙突
呂不討烏古部己巳女直來貢六月己卯行瑟瑟禮秋
七月丁未突呂不獻討烏古捷壬子王都奏唐兵破定
州鐵刺死之涅里袞查刺等數十人被執上以出師非
時甚悔之厚賜戰歿將校之家庚午有事于太祖廟八
月丙子突厥來貢庚辰詔建應天皇帝太后誕聖碑于儀

坤州九月己卯突呂不遣人獻討烏古俘癸未詔分賜
羣臣己丑幸人皇王倍第庚寅遣人使唐辛卯再幸人
皇王第癸巳有司請以上生日爲天授節皇太后生日
爲永寧節冬十月癸卯朔以永寧節上率羣臣上壽於
延和宮己酉謁太祖廟唐遣使遺玉笛甲子天授節上
御五鸞殿受羣臣及諸國使賀十一月丙子鼻骨德來
貢辛丑自將伐唐十二月癸卯祭天地庚戌聞唐主復
遣使來聘上問左右皆曰唐數遣使來實畏威也未可
輕舉觀釁而動可也上然之甲寅次杏塢唐使至遂班
師時人皇王在皇都詔遣耶律羽之遷東丹民以實東

平其民或亡入新羅女直因詔困乏不能遷者許上國富民給贍而隸屬之升東平郡爲南京四年春正月壬申朔宴羣臣及諸國使觀俳優角觝戲己卯如瓜塢二月庚戌閱遙輦氏戶籍三月甲午望祀羣神夏四月辛亥至自瓜塢壬子謁太祖廟癸丑謁太祖行宮甲寅幸天城軍謁祖陵辛酉人皇王倍來朝癸亥錄囚五月癸酉謁二祖殿宴羣臣女直來貢戊子射柳于太祖行宮癸巳行瑟瑟禮六月丙午突呂不獻烏古俘戊申分賜將士己酉西巡己未選輕騎數千獵近山癸亥駐蹕涼陁秋七月庚辰觀市曲赦繫囚甲午祠太祖而東八月辛丑至涼陁謁太祖廟癸卯自幸人皇王第己酉謁太祖廟九月庚午如南京戊寅祠木葉山己卯行再生禮癸巳至南京冬十月壬寅幸人皇王第宴羣臣甲辰幸諸營閱軍籍庚戌以雲中郡縣未下大閱六軍甲子詔皇弟李胡帥師趣雲中討郡縣之未附者十一月丙寅朔以出師告天地丁卯餞皇弟李胡于西郊壬申命大內楊隱告出師于太祖行宮甲申觀漁三义口十二月戊申女直來貢戊午至自南京五年春正月庚午皇弟李胡拔寰州捷至甲午朝皇太后二月己亥詔修南京癸卯李胡還自雲中朝于行在

丙午以先所俘渤海戶賜李胡丙辰上與人皇王朝皇太后太后以皆工書命書于前以觀之辛酉召羣臣議軍國事三月丙寅朝皇太后丁卯皇弟李胡請赦宗室舍利郎君以罪繫獄者詔從之己巳幸皇叔安端第辛未人皇王獻白紵乙亥冊皇弟李胡爲壽昌皇太子兼天下兵馬大元帥壬午以龍化州節度使劉居言同中書門下平章事乙酉宴人皇王僚屬便殿庚寅駕發南京夏四月乙未詔人皇王先赴祖陵謁太祖廟丙辰會祖陵人皇王歸國五月戊辰詔修裏潭離宮乙酉謁太祖廟己亥射柳于行在乙卯如松柳湖丁巳拜太祖御容于明殿己未敵烈德來貢秋九月壬申烏古來貢戊子薦時果于太祖廟八月丁酉以大聖皇帝皇后宴寢之所號日月宮因建日月碑丙午如九層臺九月己卯詔舍利普寧撫慰人皇王庚辰詔置人皇王儀衛丁亥至自九層臺謁及祖廟冬十月戊戌遣使賜人皇王胙癸卯建太祖聖功碑于如廷正集會塢甲辰人皇王進玉笛十一月戊寅東丹奏人皇王浮海適唐六年春正月甲子西南邊將以慕化轄憂斯國人來乙丑敵烈德來貢丁卯如南京三月辛未召大臣議軍國事丁亥人皇王倍妃蕭氏率其國僚屬來見夏四月己

西唐遣使來聘是月置中臺省于南京五月乙丑祠木
葉山乙亥至自南京壬午謁太祖陵閏月庚寅射柳于
近郊六月壬申如涼陞壬午烏古來貢秋七月丁亥女
直來貢己酉命將校以兵南畧壬子薦時果于太祖廟
東幸八月庚申皇子述律生告太祖廟辛巳鼻骨德來
貢九月甲午詔修京城冬十月丁丑鐵驪來貢十一月
乙酉唐遣使來聘十二月甲寅朔祭太祖廟丙辰遣人
以詔賜唐盧龍軍節度使趙德鈞

七年春正月壬辰征西將軍課里遣拽刺鐸括奏軍事
己亥唐遣使來聘癸卯遣人使唐戊申祠木葉山二月
壬申拽刺迪里使吳越還吳越王遣使從獻寶器復遣
使持幣往報之三月己丑林牙迪離畢指斥乘輿囚之
丁未遣使諸國戊申上率羣臣朝于皇太后夏四月甲
戌唐遣使來聘致人皇王倍書己卯女直來貢五月壬
午朔幸祖州謁太祖陵六月戊辰御製太祖建國碑戊
寅烏古敵烈德來貢庚辰觀角觝戲秋七月辛巳朔賜
中外官吏物有差癸未賜高年布帛丙戌召羣臣耆老
議政壬辰唐遣使遺紅牙笙癸巳使復至懼報定州之
役也壬寅唐盧龍軍節度使趙德鈞遣人進時果丁未
薦新于太祖廟八月壬戌捕鵝于泚柳湖風雨暴至舟

覆溺死者六十餘人命存恤其家識以爲戒戊辰林牙
迪離畢逸囚復獲而鞠之知其事本誣構釋之九月庚
子阻卜來貢冬十月乙卯唐遣使來聘己巳遣使雲中
十一月丁亥遣使存開獲里國丁未阻卜貢海東青鶻
三十連十二月辛亥以叛人泥離袞家口分賜羣臣丁
巳西狩駐蹕平地松林

八年春正月戊子女直來貢庚子命皇太弟李胡左威
衛上將軍撒割率兵伐党項癸卯上親餞之二月辛亥
吐谷渾阻卜來貢乙卯剋實魯使唐還以附獻物分賜
羣臣三月辛卯皇太弟討党項勝還宴勞之丙申唐遣

使請罷征党項兵上以戰捷及党項已聽命報之夏四
月戊午党項來貢五月己丑獵獨牛山惕隱迪輦所乘
內廐騮馬斃因賜名其山曰騮山戊戌如浚柳湖六月
甲寅阻卜來貢甲子回鶻阿薩蘭來貢秋七月戊寅行
納后禮癸未皇子提離古生丁亥鐵驪女直阻卜來貢
冬十月乙巳阻卜來貢丙午至自浚柳湖辛亥唐遣使
來聘己未遣拔刺使唐辛未烏古吐魯沒來貢十一月
辛丑太皇太后崩遣使告哀于唐及人皇王倍是月唐
主嗣源殂子從厚立十二月丁卯党項來貢

九年春正月癸酉漁于土河丙申党項貢驪鹿己亥南

京進白麀閏月戊午唐遣使告哀卽日遣弟弔祭壬戌
東幸女直來貢二月壬申祠木葉山戊寅葬太皇太后
于德陵前二日發喪于菽塗殿上具衰服以送後追諡
宣簡皇后詔建碑于陵三月癸卯女直來貢夏四月唐
李從珂弑其主自立人皇王倍自唐上書請討五月甲
辰如汭柳湖癸丑女直來貢大星晝隕六月己巳朔鼻
骨德來貢辛未唐李從厚謝弔祭所遣使初至闕秋八
月壬午自將南伐乙酉拽刺解里手接飛鴈上異之因
以祭天地九月庚子西南星隕如雨乙卯次雲州丁巳
拔河陰冬十月丁亥畧地靈丘父老進牛酒犒師十一

月辛丑圍武州之陽城壬寅陽城降癸卯注只城降括
所俘丁壯籍于軍十二月壬辰皇子阿鉢撒葛里生皇
后不豫是月駐蹕百湖之西南

十年春正月戊申皇后崩于行在二月戊寅百僚請加
追諡不許辛巳宰相涅里衮謀南奔事覺執之三月戊
午党項來貢夏四月吐谷渾酋長退欲德率衆內附丙
戌皇太后父族及母前夫之族二帳竝爲國舅以蕭緬
思爲尚父領之己丑錄囚五月甲午朔始製服行后喪
丙午葬于奉陵上自製文諡曰彰德皇后癸丑以舍利
王庭鸚爲龍化州節度使六月乙丑吐渾來貢辛未幸

品不里淀秋七月乙卯獵南赤山冬十一月丙午幸弘福寺爲皇后飯僧見觀音畫像乃大聖皇帝應天皇后及人皇王所施顧左右曰昔與父母兄弟聚觀于此歲時未幾今我獨來悲歎不已乃自製文題于壁以極追感之意讀者悲之十二月庚辰如金瓶樂遣拽刺化哥窟魯里阿魯掃姑等捉生敵境

十一年春正月釣魚于土河庚申如潢河三月庚寅朔女直來貢夏四月庚申謁祖陵戊辰還都謁太祖廟辛未燕民之復業者陳汴州事宜癸酉女直諸部來貢癸未賜回鶻使衣有差五月戊戌清暑公柳湖六月戊午

朔鼻骨德來貢乙酉吐谷渾來貢秋七月辛卯烏古來貢壬辰蒲割額公主率三河烏古來朝丙申唐河東節度使石敬瑭爲其主所討遣趙瑩因西南路招討盧不姑求救上白太后曰李從珂弒君自立神人共怒宜行天討時趙德鈞亦遣使至河東復遣桑維翰來告急遂許興師八月己未遣蕭轄里報河東師期丙寅吐谷渾來貢庚午自將以援敬瑭九月癸巳有飛鷲自墜而死南府夷离堇曷魯恩得之以獻卜之吉上曰此從珂自滅之兆也丁酉入鴈門戊戌次忻州祀天地己亥次太原庚子遣使諭敬瑭曰朕興師遠來當卽與卿破賊會

唐將高行周符彥卿以兵來拒遂勒兵陳于太原及戰
佯爲之却唐將張敬達楊光遠又陳于西未成列以兵
薄之而行周彥卿爲伏兵所斷首尾不相救敬達光遠
大敗棄仗如山斬首數萬級敬達走保晉安寨夷離堇
的魯與戰死之敬瑋率官屬來見上執手撫慰之癸卯
圍晉安甲辰以的魯子徒離骨嗣爲夷離堇仍以父字
爲名以旌其忠南宰相鵠离底奚監軍寅你己將軍陪
阿臨陳退懦上召切責之冬十月甲子封敬瑋爲晉王
幸其府敬瑋與妻李率其親屬捧觴上壽初圍晉安分
遣精兵守其要害以絕援兵之路而李從珂遣趙延壽
以兵二萬屯團栢谷范延廣以兵二萬屯遼州幽州趙
德鈞以所部兵萬餘由上黨趨延壽軍合勢進擊知此
有備皆逗遛不進從珂遂將精騎三萬出次河橋親督
諸軍然知其不救但日酣飲悲歌而已丁卯召敬瑋至
行在所賜坐上從容語之曰吾三千里舉兵而來一戰
而勝殆天意也觀汝雄偉弘大宜受茲南土世爲我藩
輔遂命有司設壇晉陽備禮冊命十一月丁酉冊敬瑋
爲大晉皇帝自戊戌至戊申候騎兩奏南有兵至復於
西有兵至命楊隱迪輦注拒之敬達在圍八十餘日內
外隔絕軍儲殆盡至濯馬糞屑木以飼馬馬飢至自相

啖其驥尾死則以充食光遠等勸敬達出降敬達曰吾
有死而已爾欲降寧斬吾首以降閏月甲子楊光遠安
審琦殺敬達以降上聞敬達至死不變謂左右曰凡爲
人臣當如此也命以禮葬所降軍士及馬五千匹以賜
晉帝丙寅祀天地以告成功庚午僕射蕭酷古只奏趙
德鈞等諸援兵將遁詔夜發兵追擊德鈞等軍皆投戈
棄甲自相蹂踐擠于川谷者不可勝紀仍命皇太子馳
輕騎據險要追及步兵萬餘悉降之辛未兵度團栢谷
以酒肴祀天地俄追及德鈞父子乃率衆降次潞州召
諸將議皆請班師從之命南宰相解頴領鶻離底奚監軍
寅你已將軍陪阿先還壬申楊隱注林牙迪離畢來獻
俘晉帝辭歸上與宴飲酒酣執手約爲父子以白貂裘
一廐馬二十戰馬千二百餞之命迪離畢將五千騎送
入洛臨別謂之曰朕留此候亂定乃還耳辛巳晉帝至
河陽李從珂窮蹙召人皇王倍同死不從遣人殺之乃
舉族自焚詔收其士卒戰歿者瘞之汾水上以爲京觀
晉命桑維翰爲文紀上功德十二月乙酉朔遣近侍撻
魯存問晉帝丙戌以晉安所獲分賜將校戊子遣使馳
奏皇太后及報諸道師還庚寅發太原辛卯聞晉帝入
洛遣郎君解里德撫問壬辰次細河閱降將趙德鈞父

子兵馬戊戌次鴈門以沙太保所部兵分隸諸將庚戌
幸應州癸丑唐太同彰國振武三節度使迎見留之不
遣

十二年春正月丙辰次堆子口唐大同軍節度判官吳
巒閉城拒命遣崔廷勳圍其城庚申上親征至城下諭
之巒降辛酉射鬼箭于雲州北壬戌祀天地癸亥遣國
舅安端發奚西部民各還本土丙寅皇太后遣侍衛實
魯趣行是夕率輕騎先進丁丑皇子述律迎謁于灤河
告功太祖行宮戊寅朝于皇太后進珍玩爲壽二月丁
亥以軍前所獲俘叛入幽州者皆斬之壬寅詔諸部休

養士卒癸卯晉遣唐所掠郎君刺哥文班吏蕭斛里還
朝三月庚申晉遣使來貢丁卯晉天雄軍節度使范延
廣潛遣人請內附不納己巳遣郎君的烈古梅里迭烈
使晉壬午晉使及諸國使來見夏四月甲申地震幸平
地松林觀潢水源五月甲寅幸頻蹕淀壬申震開皇殿
六月甲申晉遣戶部尚書聶延祚等請上尊號及歸鴈
門以北與幽薊之地仍歲貢帛三十萬疋詔不許庚戌
侍中列率言范延廣叛晉引兵南向秋七月辛亥朔詔
諸部治兵甲癸丑幸懷州謁奉陵甲子晉遣使來告范
延廣反庚午遣耶律裊古皇使晉議軍事八月癸未晉

遼史卷三
遣使復請上尊號不許庚寅晉及太原劉知遠南唐李昇各遣使來貢庚子晉遣使以都汴及范延廣降來告九月壬子鼻骨德來貢庚申遣直里古使晉及南唐癸亥朮不姑女直來貢辛未遣使高麗鐵驪癸酉回鶻來貢冬十月庚辰朔皇太后永寧節晉及回鶻燉煌諸國皆遣使來賀壬午詔回鶻使胡离只阿刺保問其風俗丁亥諸國使還就遣蒲里骨皮室胡未里使其國十一月己未遣使求醫于晉丁卯鐵驪來貢十二月甲申東幸祠木葉山癸丑醫來

遼史卷三

遼史卷三考證

太宗紀上天顯元年人皇王倍率羣臣請于后曰皇子

大元帥勲望中外攸屬宜承大統后從之。臣浩按

資治通鑑契丹述律后愛中子德光欲立之命與突欲俱乘馬立帳前謂諸臣曰二子吾皆愛之莫知所立汝曹擇可立者執其轡諸臣知其意爭執德光轡遂立之據此則太宗之立由于后意乃遼史云人皇王倍率羣臣請于后而立之恐非事實

三年王都遣人以定州來歸唐主出師討之使來乞援命奚禿里鐵刺往救之鐵刺敗唐將王晏球于定州

王都奏唐兵破定州鐵刺死之。

臣宗楷

按鐵刺資

治通鑑作禿餒死在四年而遼史併書于三年定州之戰下

九月庚寅遣人使唐。

臣長發

按資治通鑑閏六月契

丹遣梅老季素等入貢遼史則遣人在于九月夫六月正在戰爭未必即為通使當以九月為是

十一年唐河東節度使石敬瑭遣趙瑩求救上白太后

河東復遣桑維翰來告急遂許興師。

臣浩

按資治

通鑑石敬瑭遣間使求救于契丹令桑維翰草表據

此則桑維翰草表求救于契丹未嘗親往告急晉高

祖本紀及桑維翰傳並無石敬瑭遣維翰如契丹告

急事

冬十月甲子封敬瑭為晉王十一月丁酉冊敬瑭為大

晉皇帝。

臣浩

按資治通鑑及五代新史皆無先封

晉王事

十二年九月遣直里古使晉及南唐。

臣長發

按通鑑

綱目五月吳與契丹通使修好契丹主亦遣使報之即
是役也蓋遼使至江南知誥已僭位故不書吳而直書南唐耳

遼史卷三考證

遼史卷四

元中書右丞相總裁脫脫等修

本紀第四

太宗下

會同元年春正月戊申朔晉及諸國遣使來賀晉使且
言已命和凝撰聖德神功碑戊辰遣人使晉二月壬午
室韋進白鹿戊子鐵驪來貢丁酉獵松山戊戌幸遼河
東丙申上思人皇王遣惕隱率宗室以下祭其行宮丁
未詔增晉使所經供億戶三月壬戌將東幸三剋言農
務方興請減輜重促還期從之丙寅女直來貢癸酉東

幸夏四月戊寅朔如南京甲申女直來貢乙酉幸溫泉
已丑還宮朝于皇太后丁酉女直貢弓矢己亥西南邊
大詳穩耶律魯不古奏党項捷五月甲寅晉復遣使請
上尊號從之六月丙子朔吐谷渾及女直來貢辛卯南
唐來貢癸巳詔建日月四時堂圖寫古帝王事于兩廡
秋七月癸亥遣使賜晉馬丁卯遣鶻離底使晉梅里了
古使南唐戊辰遣中臺省右相耶律述蘭迭烈哥使晉
臨海軍節度使趙思溫副之冊晉帝爲英武明義皇帝
八月戊子女直來貢庚子吐谷渾烏孫靺鞨皆來貢九
月庚戌黑車子室韋貢名馬邊臣奏晉遣守司空馮道

左散騎常侍韋勳來上皇太后尊號左僕射劉煦右諫
議大夫盧重上皇帝尊號遂遣監軍寅你己充接伴壬
子詔羣臣及高年凡授大臣爵秩皆賜錦袍金帶白馬
金飾鞍勒著于令冬十月甲戌朔遣郎君迪里姑等撫
問晉使壬寅晉遣使來謝冊禮是日復有使進獨峯駝
及名馬十一月甲辰朔命南北宰相及夷離堇就館賜
晉使馮道以下宴丙午上御開皇殿召見晉使壬子皇
太后御開皇殿馮道韋勳冊上尊號曰廣德至仁昭烈
崇簡應天皇太后甲子行再生柴冊禮丙寅皇帝御宣
政殿劉煦盧重冊上尊號曰睿文神武法天啓運明德

章信至道廣敬昭孝嗣聖皇帝大赦改元會同是月晉復遣趙瑩奉表來賀以幽薊瀛莫涿檀順媯儒新武雲應朔寰蔚十六州并圖籍來獻於是詔以皇都爲上京府曰臨潢升幽州爲南京南京爲東京改新州爲奉聖州武州爲歸化州升北南二院及乙室夷离堇爲王以主簿爲令令爲刺史刺史爲節度使二部梯里已爲司徒達刺于爲副使麻都不爲縣令縣達刺于爲馬步置宣徽閣門使控鶴客省御史大夫中丞侍御判官文班牙署諸宮院世燭馬羣遙輦世燭南北府國舅帳郎君官爲敝史諸部宰相節度使帳爲司空二室韋闡林爲僕射鷹坊監冶等局官長爲詳穩十二月戊戌遣同括阿鉢等使晉制加晉馮道守太傅劉煦守太保餘官各有差

二年春正月乙巳以受晉冊遣使報南唐高麗丁未御開皇殿宴晉使馮道以下賜物有差戊申晉遣金吾衛大將軍馬從斌考功郎中劉知新來貢珍幣命分賜羣臣丙辰晉遣使謝免沿邊四州錢幣二月戊寅宴諸王及節度使來賀受冊禮者仍命皇太子惕隱迪輦餞之癸巳謁太祖廟賜在京吏民物及內外羣臣官賞有差丁酉加兼侍中左金吾衛上將軍王鄴檢校太尉三月

改于襄潭之側戊申女直來貢丁巳封皇子述律爲壽
安王罽撒葛爲太平王己巳大賚百姓夏四月乙亥幸
木葉山癸巳東京路奏狼食人五月乙巳禁南京鬻牝
羊出境思奴古多里等坐盜官物籍其家南唐遣使來
貢丁未以所貢物賜羣臣戊申回鶻單于使人乞授官
詔第加刺史縣令六月丁丑雨雪是夏駐蹕頻蹕淀秋
七月戊申晉遣使進犀帶庚戌吐谷渾來貢乙卯敝史
阿鉢坐奉使失職命笞之閏月癸未乙室大王坐賦調
不均以木劔背撻而釋之并罷南北府民上供及宰相
節度諸賦役非舊制者乙酉遣酌烈賜晉烏古良馬己
丑以南王府二刺史貪蠹各杖一百仍繫虞候帳備射
鬼箭選羣臣爲民所愛者代之八月乙丑晉遣使貢歲
幣奏輸戌亥二歲金幣于燕京九月甲戌阻卜阿离底
來貢己卯遣使使晉冬十月丁未上以烏古部水草肥
美詔北南院徙三石烈戶居之十一月丁亥鐵驪燉煌
竝遣使來貢十二月庚子釣魚于土河甲子回鶻使者
僣人有以刃相擊者詔付其使處之

三年春正月戊子吳越王遣使來貢庚寅人皇王妃來
朝回鶻使乞觀諸國使朝見禮從之壬辰遣陪謁阿鉢
使晉致生辰禮晉以并鎮忻代之吐谷渾來歸二月己

亥奚王勞骨寧率六節度使朝貢庚子烏古遣使獻伏鹿國俘賜其部夷裔董旗鼓以旌其功壬寅女直來貢辛亥墨離鶻末里使回鶻阿薩蘭還賜對衣勞之乙卯鴨淥江女直遣使來觀三月戊辰遣使使晉報幸南京己巳如南京辛未命惕隱耶律涅裔骨德率萬騎先驅壬申次石嶺以奚王勞骨寧監軍寅你已朝謁不時切責之丙子魯不姑上党項俘獲數癸未獵水門獲白鹿庚寅詔扈從擾民者從軍律甲午幸薊州乙未晉及南唐各遣使來觀夏四月庚子至燕備法駕入自拱辰門御元和殿行入閣禮壬寅遣人使晉乙巳幸留守趙延壽別墅丙午晉遣宣徽使楊端王眺等來問起居壬子御便殿宴晉及諸國使丙辰晉遣使進茶藥壬戌御昭慶殿宴南京羣臣癸亥晉遣使賀端午以所進節物賜羣臣乙丑南唐進白龜五月庚午以端午宴羣臣及諸國使命回鶻燉煌二使作本俗舞俾諸使觀之庚辰晉遣使進弓矢甲申遣皇子天德及檢校司徒耶用和使晉戊子閱騎兵于南郊六月乙未朔東京宰相耶律羽之言渤海相大素賢不法詔僚佐部民舉有才德者代之丙申閱步卒于南郊庚子晉及轄刺骨只遣使來見壬寅駕發燕京命中書令蕭僧隱部諸道軍于長坐營

癸丑次奉聖州甲寅勞軍士秋七月己巳獵狝底烈山
癸酉朝于皇太后丙子從皇太后視人皇王妃疾戊寅
人皇王妃蕭氏薨己卯以安重榮據鎮州叛晉詔征南
將軍柳嚴邊備丙戌徙人皇王行宮于其妃薨所辛卯
晉遣使請行南郊禮許之八月己亥詔東丹吏民爲其
王倍妃蕭氏服庚子阻卜來貢壬寅遣使南唐乙巳阻
卜黑車子室韋賃烈等國來貢南唐遣使求青氊帳賜
之戊申以安端私城爲白川州辛亥鼻骨德使乞賜爵
以其國相授之甲寅阻卜來貢乙卯置白川州官屬丙
辰詔以于諸里河臚朐河之近地給賜南院歐堇突呂

乙斯勃北院溫納何刺三石烈人爲農田九月庚午侍
中崔窮古言晉主聞陛下數游獵意請節之上曰朕之
畋獵非徒從樂所以練習武事也乃詔諭之壬午邊將
奏破吐谷渾擒其長詔止誅其首惡及其丁壯餘並釋
之丙戌晉遣使貢名馬戊子女直及吳越王遣使來貢
冬十月辛丑遣剋朗使吳越畧姑使南唐庚申晉遣使
貢布及請親祠南嶽從之十一月己巳南唐遣使奉蠟
丸書言晉密事丁丑詔有司教民播種紡績除娣亡妹
續之法十二月壬辰朔率百僚謁太祖行宮甲午燔柴
禮畢祠于神帳丙申遣使使晉丙辰詔契丹人授漢官

者從漢儀聽與漢人婚姻丁巳詔燕京皇城西南築建涼殿是冬駐蹕于傘淀

四年春正月壬戌以乙室品卑突軌三部鰥寡不能自存者官爲之配丙子南唐遣使來貢庚辰涅刺烏隗部獻党項俘獲數己丑詔定征党項功二月丙申皇太子獲白麀甲辰晉遣使進香藥丙子鐵驪來貢丁巳詔有司編始祖奇首可汗事迹己未晉遣楊彥詢來貢且言鎮州安重榮跋扈狀遂留不遣是月晉鎮州安重榮執遼使者找刺三月特授回鶻使闕里于越并賜旌旗弓劔衣馬餘賜有差癸酉晉以許祀南郊遣使來謝進黃

金十鎰夏四月己卯晉遣使進櫻桃五月庚辰吐谷渾夷離堇蘇等叛入晉遣牒蠟往諭晉及太原守臣六月辛卯振武軍節度副使趙崇逐其節度使耶律畫里以朔州叛附晉丙午命宣徽使裏古只赴朔州以兵圍其城有晉使至請開壁卽勿聽驛送闕下秋七月癸亥南唐遣使奉蠟丸書丙寅裏古只奏請遣使至朔令降守者猶堅壁弗納且言晉有貢物命卽以所貢物賜攻城將校己巳有司奏神蠶車有蜂巢成蜜史占之吉壬申晉遣使進水晶硯八月癸巳南唐奉蠟丸書庚子晉遣使進犀弓竹矢吳越王遣使奉蠟丸書九月壬申有星

李于晉分丁丑幸歸化州冬十月辛丑有司奏燕薊大
熟癸卯吳越王遣使來貢十一月丙寅晉以討安重榮
來告庚午吐谷渾請降遣使撫諭阻卜來貢以其物賜
左右丙子鴨綠江女直來貢壬午以永寧天授二節及
正旦重午冬至臘竝受賀著令十二月戊子晉遣使來
告山南節度使安從進反詔以便宜討之庚寅南唐遣
使奉蠟丸書戊戌晉遣王升鸞來貢戊申晉以敗安重
榮來告遂遣楊彥詢歸辛亥晉遣使乞罷戍兵詔惕隱
朔古班師甲寅攻拔朔州遣控鶴指揮使諧里勞軍時
裏古只戰歿城下上怒命誅城中丁壯仍以叛民上戶

三十爲裏古只部曲

五年春正月丙辰朔上在歸化州御行殿受羣臣朝以
諸道貢物進太后及賜宗室百僚戊午詔求直言北王
府郎君耶律海思應詔召對稱旨特授宣徽使詔政事
令僧隱等以契丹戶分屯南邊戊辰晉函安重榮首來
獻上數欲親討重榮至是乃止癸酉遣使使晉是月晉
以朔州平請使來賀遂遣客省使耶律化哥使晉并致
生辰禮二月壬辰上將南幸以諸路有未平者召太子
及羣臣議皆曰今襄鎮朔三州雖已平然吐谷渾爲安
重榮所誘猶未歸命宜發兵討之以警諸部上曰正與

朕合遂詔以明王隈恩代于越信恩爲西南路招討使以討之且諭明王宜先練習邊事而後之官甲午如南京遣使使晉索吐谷渾叛者乙未鼻骨德來貢三月乙卯朔晉遣齊州防禦使宋暉業翰林茶酒使張言來問起居閏月駐蹕陽門夏四月甲寅朔鐵驪來貢以其物分賜羣臣丙子晉遣使進射柳鞍馬五月五日戊午禁屠宰六月癸丑朔晉齊王重貴遣使來貢丁巳徒覩古素撒來貢乙丑晉主敬瑭殂子重貴立戊辰晉遣使告哀輟朝七日庚午遣使往晉弔祭丁丑聞皇太后不豫上馳入侍湯藥必親嘗仍告太祖廟幸菩薩堂飯僧五

萬人七月乃愈秋七月庚寅晉遣金吾衛大將軍梁言判四方館事朱崇節來謝書稱孫不稱臣遣客省使喬榮讓之景延廣答曰先帝則聖朝所立今主則我國自冊爲鄰爲孫則可奉表稱臣則不可榮還具奏之上始有南伐之意辛卯阻卜鼻骨德烏古來貢將軍闞德里蒲骨等率降將轄德至闕并獻所獲丁未晉遣使以祖母哀來告八月辛酉女直阻卜烏古各貢方物甲子晉復襄州戊辰詔河東節度使劉知遠送叛臣烏古指揮使由燕京赴闕癸酉遣天城軍節度使蕭拜石弔祭于晉九月壬辰遣使賀晉帝嗣位冬十月己巳徵諸道兵

遣將軍密骨德伐党項十一月己未武定軍奏松生棗
十二月癸亥晉遣使來謝是冬駐蹕赤城

六年春二月乙卯晉遣使進先帝遺物辛酉晉遣使請
居汴從之三月己卯朔吳越王遣使來貢甲申梅里喘
引來歸戊子南唐遣使奉蠟丸書丁未晉至汴遣使來
謝夏四月戊申朔日有食之五月己亥遣使如晉致生
辰禮六月丁未朔鐵驪來貢己未奚鋤骨里部進白麝
辛酉莫州進白鵲晉遣使貢金秋八月丁未朔晉復貢
金己未如奉聖州晉遣其子延煦來朝冬十一月辛卯
上京留守耶律迪輦得晉謀知有二心甲辰鐵驪來貢
十二月丁未如南京議伐晉命趙延壽趙延昭安端解
里等由滄恒易定分道而進大軍繼之是歲楊彥昭請
移鎮柰灤及新鎮從之

七年春正月甲戌朔趙延壽延昭率前鋒五萬騎次任
丘丙子安端入鴈門圍忻代己卯趙延壽圍貝州其軍
校邵珂開南門納遼兵太守吳巒投井死己丑次元城
授延壽魏博等州節度使封魏王率所部屯南樂丙申
遣兵攻黎陽晉張彥澤來拒辛丑晉遣使來修舊好詔
割河北諸州及遣桑維翰景延廣來議二月甲辰攻博
州刺史周儒以城降晉平盧軍節度使楊光遠密道遼

師自馬家口濟河晉將景延廣命石斌守麻家口白再榮守馬家口未幾周儒引遼軍麻荅營于河東攻鄆州北津以應光遠晉遣李守貞皇甫遇梁漢璋薛懷讓將兵萬人緣河水陸俱進遼軍圍晉別將于戚城晉主自將救之遼師解去守貞等至馬家口麻荅遣步卒萬人築營壘騎兵萬人守於外餘兵屯河西渡未已晉兵薄之遼軍不利三月癸酉朔趙延壽言晉諸軍沿河置柵皆畏却不敢戰若率大兵直抵澶淵據其橋梁晉必可取是日晉兵駐澶淵其前軍高行周在戚城乃命延壽延昭以數萬騎出行周右上以精兵出其左戰至暮上復以勁騎突其中軍晉軍不能戰會有謀者言晉軍東面數少沿河城柵不固乃急擊其東偏衆皆奔潰縱兵追及遂大敗之壬午留趙延昭守貝州徙所俘尸于內地夏四月癸丑還次南京辛未如涼陘五月癸酉耶律拔里得奏破德州擒刺史尹居藩及將吏二十七人六月甲辰黑車子室韋來貢乙巳紕沒里要里等國來貢秋七月己卯晉楊光遠遣人奉蠟丸書辛卯晉遣張暉奉表乞和留暉不遣八月辛酉回鶻遣使請婚不許是月晉鎮州兵來襲飛狐大同軍節度使耶律孔阿戰敗之九月庚午朔北幸十月丁未鼻骨德來貢壬戌天授

節諸國進賀惟晉不至十一月壬申詔徵諸道兵以閏
月朔會溫榆河北十二月癸卯南伐甲子次古北口閏
月己巳朔閱諸道兵於溫榆河己卯圍恒州下其九縣
八年春正月庚子分兵攻邢洛磁三州殺掠殆盡入鄴
都境張從恩馬全節安審琦兵悉陳于相州安陽水之
南皇甫遇與濮州刺史慕容彥超將兵千騎來覘遼軍
至鄴都遇遼軍數萬且戰且却至榆林店遼軍繼至遇
與彥超力戰百餘合遇馬斃步戰審琦引騎兵踰水以
救遼軍乃還二月圍魏晉將杜重威率兵來救戊子晉
將折從阮陷滕州三月戊戌師拔祁州殺其刺史沈斌

庚戌杜重威李守貞攻泰州戊子趙延壽率前鋒薄泰
城己未重威守貞引兵南遁追至陽城大敗之復以步
卒爲方陣來拒與戰二十餘合壬戌復搏戰十餘里癸
亥圍晉兵于白團衛村晉兵下鹿角爲營是夕大風至
曙命鐵鷁軍下馬拔其鹿角奮短兵入擊順風縱火揚
塵以助其勢晉軍大呼曰都招討何不用兵令士卒徒
死諸將皆奮出戰張彥澤藥元福皇甫遇出兵大戰諸
將繼至遼軍却數百步風益甚晝晦如夜符彥卿以萬
騎橫擊遼軍率步卒竝進遼軍不利上乘奚車退十餘
里晉追兵急獲一橐駝乘之乃歸晉兵退保定州夏四

通史卷四
本紀
三
月甲申還次南京杖戰不力者各數百庚寅宴將士於
元和殿癸巳如涼陁六月戊辰回鶻來貢辛未吐谷渾
鼻骨德皆來貢辛巳黑車子室韋來貢丁亥趙延壽奏
晉兵襲高陽戍將擊走之秋七月乙卯獵平地松林晉
遣孟守中奉表請和仍以前事荅之八月己巳詔侍衛
蕭素撒閱羣牧于北陁九月壬寅次赤山宴從臣問軍
國要務對曰軍國之務愛民爲本民富則兵足兵足則
國強上以爲然辛酉還上京冬十月辛未祠木葉山十
一月戊戌女直鐵驪來貢十二月癸亥朔朝謁太祖行
宮乙丑雲州節度使耶律孔阿獲晉謀者戊辰臘賜諸

國貢使衣馬

九年春正月庚子回鶻來貢丁未女直來貢二月戊辰
鼻骨德奏軍籍三月己亥吐谷渾遣軍校恤烈獻生口
千戶授恤烈檢校司空夏四月辛酉朔吐谷渾白可久
來附是月如涼陁五月庚戌晉易州戍將孫方簡請內
附六月戊子謁祖陵更闕神殿爲長思秋七月辛亥詔
徵諸道兵故傷禾稼者以軍法論癸丑女直來貢乙卯
以阻卜酋長曷刺爲本部夷離堇八月丙寅烏古來貢
是月自將南伐九月壬辰閱諸道兵于漁陽西棗林淀
是月趙延壽與晉張彥澤戰于定州敗之十一月戊子

朔進圍鎮州丙申先遣候騎報晉兵至遣精兵斷河橋
晉兵退保武強南院大王迪輦將軍高模翰分兵由瀛
州間道以進杜重威遣其將節度使梁漢璋率衆來拒
與戰大敗之殺梁漢璋杜重威張彥澤引兵據中渡橋
趙延壽以步卒前擊高彥溫以騎兵乘之追奔逐北殪
屍數萬斬其將王清宋彥筠墮水死重威等退保中渡
寨義武軍節度使李殷以城降遂進兵夾滹沱而營去
中渡寨三里分兵圍之夜則列騎環守晝則出兵抄掠
復命大內惕隱耶律朔骨里及趙延壽分兵圍守自將
騎卒夜渡河出其後攻下欒城降騎卒數千分遣將士

據其要害下令軍中預備軍食三日不得舉煙火但獲
晉人卽黥而縱之諸饋運見者皆棄而走於是晉兵內
外隔絕食盡勢窮十二月丙寅杜重威李守貞張彥澤
等率所部二十萬衆來降上擁數萬騎臨大阜立馬以
受之授重威守太傅鄴都留守守貞天平軍節度使餘
各領舊職分降卒之半付重威半以隸趙延壽命御史
大夫解里監軍傅桂兒張彥澤持詔入汴諭晉帝母李
氏以安其意且召桑維翰景延廣先來留騎兵千人守
魏自率大軍而南壬申解里等至汴晉帝重貴素服拜
命輿母李氏奉表請罪初重貴絕和好維翰數諫止之

不從至是彥澤殺維翰給言自經死詔收葬之復其田園地宅仍厚恤其家甲戌彥澤遷重貴及其母若妻於開封府署以控鶴指揮使李榮督兵衛之壬午次赤岡重貴舉族出封丘門橐索牽羊以待上不忍臨視命改館封禪寺晉百官縞衣紗帽俯伏待罪上曰其主負恩其臣何罪命領職如故卽授安叔千金吾衛上將軍叔干出班獨立上曰汝邢州之請朕所不忘乃加鎮國軍節度使蓋在那嘗密請內附也將軍康祥執景延廣來獻詔以牙籌數其罪凡八繫送都道自殺

大同元年春正月丁亥朔備法駕入汴御崇元殿受百官賀戊子以樞密副使劉敏權知開封府殺秦繼旻李彥紳及鄭州防禦使楊承勳以其弟承信爲平盧軍節度使襲父爵初楊光遠在青州求內附其子承勳不聽殺其判官丘濤及弟承祚等自歸于晉故誅之己丑以張彥澤擅徙重貴開封殺桑維翰縱兵大掠不道斬於市晉人鬻食之辛卯降重貴爲崇祿大夫檢校太尉封負義侯癸巳以張礪爲平章事晉李崧爲樞密使馮道爲太傅和凝爲翰林學士趙瑩爲太子太保劉煦守太保馮玉爲太子少保癸卯遣趙瑩馮玉李彥韜將三百騎送負義侯及其母李氏缺妃缺氏妻馮氏弟重睿子

延煦延寶等于黃龍府安置仍以其宮女五十人內宦
三人東西班五十人醫官一人控鶴四人庖丁七人茶
酒司三人儀鸞三人健卒十人從之二月丁巳朔建國
號大遼大赦改元大同升鎮州爲中京以趙延壽爲大
丞相兼政事令樞密使中京留守中外官僚將士爵賞
有差辛未河東節度使北平王劉知遠自立爲帝國號
漢詔以耿崇美爲昭義軍節度使高唐英爲昭德軍節
度使崔廷勳爲河陽軍節度使分據要地三月丙戌朔
以蕭翰爲宣武軍節度使賜將吏爵賞有差壬寅晉諸
司僚吏嬪御宦寺方技百工圖籍歷象石經銅人明堂
刻漏太常樂譜諸宮縣鹵簿法物及鎧仗悉送上京磁
州帥梁暉以相州降漢己酉命高唐英討之夏四月丙
辰朔發自汴州以馮道李崧和凝李澣徐台符張礪等
從行次赤岡夜有聲如雷起於御幄大星復隕於旗鼓
前乙丑濟黎陽渡顧謂侍臣曰朕此行有三失縱兵掠
芻粟一也括民私財二也不遽遣諸節度還鎮三也皇
太弟遣使問軍前事上報曰初以兵二十萬降杜重威
張彥澤下鎮州及入汴視其官屬具員者省之當其才
者任之司屬雖存官吏廢墮猶雛飛之後徒有空巢久
經離亂一至於此所在盜賊屯結土功不息餽餉非時

民不堪命河東尚未歸命西路酋帥亦相黨附夙夜以
思制之之術惟推心庶僚和協軍情撫綏百姓三者而
已今所歸順凡七十六處得戶一百九萬百一十八非
汴州炎熱水土難居止得一年太平可指掌而致且改
鎮州爲中京以備巡幸欲伐河東姑俟別圖其槩如此
戊辰次高邑不豫丁丑崩于樂城年四十六是歲九月
壬子朔葬于鳳山陵曰懷陵廟號太宗統和二十六年
七月上尊諡孝武皇帝重熙三十一年九月增諡孝武
惠文皇帝

贊曰太宗甫定多方遠近向化建國號備典章至於釐
庶政閱名實錄囚徒教耕織配鰥寡求直言之士得郎
君海思卽擢宣徽嘉唐張敬達忠於其君卒以禮葬輟
遊豫而納三剋之請憫士卒而下休養之令親征晉國
重貴面縛斯可謂威德兼弘英畧間見者矣入汴之後
無幾微之驕有三失之訓傳稱鄭伯之善處勝書進秦
誓之能悔過太宗蓋兼有之其卓矣乎

遼史卷四
臣長發按五代新
史契丹改天顯十一年為會同元年更其國號大遼
考太宗本紀止有改元而無改國號一事但改元在
天顯十二年五代新史則在十二年
三年遣剋朗使吳越○剋朗資治通鑑作遙折

遼史卷四考證

太宗紀下十一月丙寅改元會同○ 臣長發按五代新

史契丹改天顯十一年為會同元年更其國號大遼

考太宗本紀止有改元而無改國號一事但改元在

天顯十二年五代新史則在十二年

三年遣剋朗使吳越○剋朗資治通鑑作遙折

遼史卷四考證

遼史卷五

元中書右丞相總裁脫脫等修

本紀第五

世宗

世宗孝和莊憲皇帝諱阮小字兀欲讓國皇帝長子母柔貞皇后蕭氏帝儀觀豐偉內寬外嚴善騎射樂施予人望歸之太宗愛之如子會同九年從伐晉大同元年二月封永康王四月丁丑太宗崩於樂城戊寅梓宮次鎮陽卽皇帝位於柩前甲申次定州命天德朔古解里等護梓宮先赴上京太后聞帝卽位遣太弟李胡率兵

拒之六月甲寅朔次南京五院夷离堇安端詳穩劉哥遣人馳報請爲前鋒至泰德泉遇李胡軍戰敗之上遣郎君勤德等詣兩軍諭解秋間七月次潢河太后李胡整兵拒於橫渡相持數日用屋質之謀各罷兵趨上京既而聞太后李胡復有異謀遷于祖州誅司徒劃設及楚補里八月壬午朔尊母蕭氏爲皇太后以太后族刺只撒古魯爲國舅帳立詳穩以總焉以崇德宮戶分賜翼戴功臣及北院大王洼南院大王吼各五十安搏楚補各百的魯鐵刺子孫先以非罪籍沒者歸之癸未始置北院樞密使以安搏爲之九月壬子朔葬嗣聖皇帝

於懷陵丁卯行柴冊禮羣臣上尊號曰天授皇帝大赦改大同元年爲天祿元年追諡皇考曰讓國皇帝以安端主東丹國封明王察割爲泰寧王劉哥爲惕隱高勳爲南院樞密使

二年春正月天德蕭翰劉哥益都等謀反誅天德杖蕭翰遷劉哥於邊罰益都使轄曼斯國漢主劉知遠殂子承祐立夏四月庚辰朔南唐遣李昫王祚來慰且賀兼奉蠟丸書議攻漢秋七月壬申皇子賢生冬十月壬午南京留守魏王趙延壽薨以中臺省右相牒螭爲南京留守封燕王十一月駐蹕彰武南

三年春正月蕭翰及公主阿不里謀反翰伏誅阿不里
瘦死獄中庚申肆赦內外官各進一階夏六月戊寅以
敞史耶律胡離軫爲北院大王己卯惕隱顏昱封漆水
郡王秋九月辛丑朔召羣臣議南伐冬十月遣諸將率
兵攻下貝州高老鎮狗地鄴都南宮堂陽殺深州刺史
史萬山俘獲甚衆

四年春二月辛未泰寧王察割來朝留侍是月建政事
省三月戊戌朔南唐遣趙延嗣張福等來賀南征捷秋
九月乙丑朔如山西冬十月自將南伐攻下安平內丘
東鹿等城大獲而還是歲冊皇后蕭氏


五年春正月癸亥朔如百泉湖漢郭威弒其主自立國
號周遣朱憲來告卽遣使致良馬漢劉崇自立於太原
二月周遣姚漢英華昭胤來以書辭抗禮留漢英等夏
五月壬戌朔太子太傅趙瑩薨輟朝十日命歸葬于汴
詔州縣錄事參軍主簿委政事省銓注六月辛卯朔劉
崇爲周所攻遣使稱姪乞援且求封冊卽遣燕王牒蠲
樞密使高勳冊爲大漢神武皇帝南唐遣蔣洪來乞舉
兵應援是夏清暑百泉嶺九月庚申朔自將南伐壬戌
次歸化州祥古山癸亥祭讓國皇帝于行宮羣臣皆醉
察割反帝遇弒年三十四應歷元年葬於顯州西山陵

遼史卷五
曰顯陵二年諡孝和皇帝廟號世宗統和二十六年七月加諡孝和莊憲皇帝
贊曰世宗中才之主也入繼大統曾未三年納唐丸書卽議南伐旣乏持重宜乖周防蓋有致禍之道矣然而孝友寬慈亦有君人之度焉未及師還變起沉湎豈不可哀也哉

遼史卷五

考證

世宗紀天授五年遣燕王牒螭樞密使高勳冊爲大漢神武皇帝○牒螭資治通鑑十國春秋皆作述軌



遼史卷六

元中書右丞相總裁脫脫等修

本紀第六

穆宗一

穆宗孝安敬正皇帝諱璟小字述律太宗皇帝長子母曰靖安皇后蕭氏會同二年封壽安至天祿五年九月癸亥世宗遇害逆臣察割等伏誅丁卯卽皇帝位羣臣上尊號曰天順皇帝改元應歷戊辰如南京是月遣劉承訓告哀于漢冬十一月漢周南唐各遣使來弔乙亥詔朝會依嗣聖皇帝故事用漢禮十二月甲辰漢遣使

通鑑卷六十一

獻弓矢鞍馬壬子鐵驪鼻骨德皆來貢

二年春正月戊午朔南唐遣使奉蠟丸書及進犀兕甲

萬屬壬戌太尉忽古質謀逆伏誅二月癸卯女直來貢

三月癸亥南唐遣使奉蠟丸書丁卯復遣使來貢甲申

以耶律撻烈為南院大王夏四月丙戌朔日有食之己

亥鐵驪進鷹鵠五月丙辰朔視朝壬午南唐遣使來貢

六月壬辰國舅政事令蕭眉古得宣政殿學士李澣等

謀南奔事覺詔暴其罪乙未祭天地壬寅漢為周所侵

遣使求援命中臺省右相高模翰赴之丁未命乳媪之

兄曷魯世為阿速石烈夷离董秋七月乙亥政事令婁

國林牙敵烈侍中神都郎君海里等謀亂就戮八月己

丑眉古得婁國等伏誅杖李澣而釋之九月甲寅朔雲

州進嘉禾四莖二穗戊午詔以先平察割日用白黑羊

玄酒祭天歲以為常壬戌獵炭山祭天庚辰敵烈部來

貢冬十月甲申朔漢遣使進葡萄酒甲午司徒老古等

獻白雉戊申回鶻及轄戛斯皆遣使來貢十一月癸丑

朔視朝己巳地震己卯日南至始用舊制行拜日禮朔

州民進黑兔十二月癸未朔高模翰及漢兵圍晉州辛

卯以生日飯僧釋繫囚甲辰獵于近郊祀天地辛亥明

王安端薨

乾隆四年校刊

通鑑卷六十一

本紀

七

三年春閏正月壬午朔漢以高模翰却周軍遣使來謝
二月辛亥朔詔用嗣聖皇帝舊璽甲子太保敵烈脩易
州城鎮州以兵來挑戰却之三月庚辰朔南唐遣使來
貢因附書于漢詔達之庚寅如應州擊鞠丁酉漢遣使
進毬衣及馬庚子觀漁于神德湖夏四月庚申鐵驪來
貢五月壬寅漢遣使言石晉樹先帝聖德神功碑爲周
人所毀請再刻許之六月丁卯應天皇太后崩秋七月
不視朝八月壬子以生日釋囚己未漢遣使求援三河
烏古吐蕃吐谷渾鼻骨德皆遣使來貢九月庚子漢遣
使貢藥冬十月己酉命太師唐骨德治大行皇太后園
陵李胡子宛郎君嵇幹敵烈謀反事覺辭逮太平王翥
撒葛林牙華割郎君新羅等皆執之十一月辛丑諡皇
太后曰貞烈葬祖陵漢遣使來會冬駐蹕奉聖州以南
京水詔免今歲租

四年春正月戊寅回鶻來貢己丑華割嵇幹等伏誅宛
及翥撒葛皆釋之是月周王威殂養子晉王柴榮嗣立
二月丙午朔周攻漢命政事令耶律敵祿援之丙辰漢
遣使進茶藥幸南京夏五月乙亥忻代二州叛漢遣南
院大王撻烈助敵祿討之丁酉撻烈敗周將符彥卿於
忻口六月癸亥撻烈獻所獲秋七月乙酉漢民有爲遼

軍誤掠者遣使來請詔悉歸之九月丙申漢爲周人所
侵遣使來告冬十一月彰國軍節度使蕭敵烈太保許
從贊奏忻代二州捷十二月辛酉朔謁祖陵庚午漢遣
使來貢是冬駐蹕杏峒

五年春正月辛未朔鼻骨德來貢二月庚子朔日有食
之庚申漢遣使請上尊號不許壬戌如裏潭夏四月己
酉周侵漢漢遣使求援癸丑命郎君蕭海瓊世爲北府
宰相秋九月庚辰漢主有疾遣使來告冬十月壬申女
直來貢丁亥謁太宗廟庚寅南唐遣使來貢十一月乙
未朔漢王崇俎子承鈞遣使來告且求嗣立遣使弔祭

遂封冊之十二月乙丑朔謁太祖廟辛巳漢遣使來議
軍事

六年夏五月丁酉謁懷陵六月甲子漢遣使來議軍事
秋七月不視朝九月戊午謁祖陵冬十一月壬寅鼻骨
德來貢十二月己未朔謁太祖廟

七年春正月庚子鼻骨德來貢二月辛酉南唐遣使奉
蠟丸書辛未駐蹕潢河夏四月戊午朔還上京初女巫
肖古上延年藥方當用男子膽和之不數年殺人甚多
至是覺其妄辛巳射殺之五月辛卯漢遣使來貢六月
丙辰周遣使來聘南唐遣使來貢八月己未周遣使來

聘是秋不聽政冬十月庚申獵于七鷹山十二月丁巳
詔大臣曰有罪者法當刑朕或肆怒濫及無辜卿等切
諫無或面從辛巳還上京

八年春二月乙丑駐蹕潢河夏四月甲寅南京留守蕭
思溫攻下沿邊州縣遣人勞之五月周陷束城縣六月
辛未蕭思溫請益兵乞駕幸燕秋七月獵于拽刺山迄
于九月射鹿諸山不視朝冬十一月辛酉漢遣使來告
周復來侵乙丑使再至十二月庚辰又至

九年春正月戊辰駐蹕漢河夏四月丙戌周來侵戊戌
以南京留守蕭思溫爲兵馬都總管擊之是月周拔益
津瓦橋淤口三關五月乙巳朔陷瀛莫二州癸亥如南
京辛未周兵退六月乙亥朔視朝戊寅復容城縣庚申
西幸如懷州是月周主榮殂子宗訓立秋七月發南京
軍戍范陽冬十二月戊寅還上京庚辰王子敵烈前宣
徽使海思及蕭達干等謀反事覺鞠之辛巳祀天地祖
考告逆黨事敗丙申召羣臣議時政

十年春正月周殿前都點檢趙匡胤廢周自立建國號
宋夏五月乙巳謁懷陵壬子漢以潞州歸附來告丙寅
至自懷陵六月庚申漢以宋兵圍石州來告遣大同軍
節度使阿剌率四部往援詔蕭思溫以三部兵助之秋

七月己亥朔宋兵陷石州潞州復叛漢使來告辛酉政
事令耶律壽遠太保楚阿不等謀反伏誅以酒脯祀天
地于黑山八月如秋山幸懷州庚午以鎮茵石後視擊
殺近侍古哥冬十月丙子李胡子喜隱謀反辭連李胡
下獄死十一月海思獄中上書陳便宜

十一年春二月丙寅釋喜隱辛亥司徒烏里只子迭刺
哥誣告其父謀反復詐乘傳及殺行人以其父請杖而
釋之丙辰蕭思溫奏老人星見乞行赦宥閏月甲子如
潢河夏四月癸巳朔日有食之是月射鹿不視朝五月
乙亥司天王白李正等進歷六月甲午赦冬十一月歲

星犯月

十二年春正月甲戌夜觀燈二月己丑朔以御史大夫
蕭護思爲北院樞密使賜對衣鞍馬夏五月庚午以旱
命左右以水相沃頃之果雨六月甲午祠木葉山及潢
河秋如黑山赤山射鹿

十三年春正月自丁巳晝夜酣飲者九日丙寅宋欲城
益津關命南京留守高勳統軍使崔延勳以兵擾之癸
酉殺獸人海里二月庚寅漢遣使來告欲巡邊徼乞張
聲援壬辰如潢河癸巳觀羣臣射賜物有差乙巳老人
星見三月癸丑朔殺鹿人彌里吉梟其首以示掌鹿者

夏四月壬寅獵于潢河五月壬戌幹朗改國所進花鹿
生麕六月癸未近侍傷獐杖殺之甲申殺獐人霞馬壬
辰詔諸路錄囚秋七月辛亥朔漢以宋侵來告乙丑薦
時差於廟八月甲申以生日縱五坊鷹鷂戊戌幸近山
呼鹿射之旬有七日而後返九月庚戌朔以青牛白馬
祭天地飲于野次終夕乃罷辛亥以酒脯祭天地復終
夜酣飲冬十月丙申漢以宋侵來告十一月庚午獵飲
于虞人家凡四日十二月戊子射野鹿賜虞人物有
差庚寅殺羗人曷王

遼史卷六

遼史卷六考證

穆宗紀一應歷四年周攻漢命政事令耶律敵祿援之

○ 臣長發

按資治通鑑北漢入寇請兵于契丹契丹

遣其武定節度使政事令楊衮將萬餘騎如晉陽據
此則契丹所遣者楊衮而遼史則爲耶律敵祿豈敵
祿本是楊衮而獲賜姓者耶

九年夏四月周拔益津瓦橋淤口三關五月乙巳朔陷

瀛莫二州辛未周兵退

○ 臣長發

按資治通鑑周世

宗之拔三關得莫州在四月而瀛州之降乃在五月
朔其退兵于五月壬子遼史記陷瀛莫二州于五月

朔辛未周兵卽退俱有誤

遼史卷六考證

遼史卷七

元中書右丞相總裁脫脫等修

本紀第七

穆宗二

十四年春正月戊寅朔奉安神纛戊戌漢以宋將來襲
馳告二月壬子詔西南面招討使撻烈進兵援漢癸亥
如潢河戊辰支解鹿人沒荅海里等七人于野封土識
其地己巳如老林東灤壬申漢以敗宋兵石州來告夏
四月丁巳漢以擊退宋軍遣使來謝是月黃龍府甘露
降五月射猓讎鹿于白鷹山至于浹旬六月丙午朔獵

乾隆四年校刊

卷七

本紀

于玉山竟月忘返秋七月壬辰以酒脯祀黑山八月乙巳如磴子嶺呼鹿射之獲鹿四賜虞人女瓌等物有差丁未還宮戊申以生日值天赦不受賀曲赦京師囚乙卯錄囚九月黃室韋叛冬十月丙午近侍烏古者進石錯賜白金二百五十兩丙辰以掌鹿矧思代幹里爲聞撒狝賜金帶金盞銀二百兩所隸死罪以下得專之十一月壬午日南至宴飲達旦自是晝寢夜飲殺近侍小六於禁中十二月丙午以黑兔祭神烏古叛掠民財畜詳穩僧隱與戰敗績僧隱及乙實等死之

十五年春正月己卯以樞密使雅里斯爲行軍都統虎軍詳穩楚思爲行軍都監益以突呂不部軍三百合諸部兵討之烏古夷离董子勃勃底獨不叛詔褒之是月老人星見二月壬寅朔日有食之上東幸甲寅以獲鴨除鷹坊刺面腰斬之刑復其徭役是月烏古殺其長宰離底餘衆降復叛三月癸酉近侍東兒進七筋不時手刃刺之丁丑大黃室韋酋長寅尼吉叛癸未五坊人四十戶叛入烏古癸巳虞人沙刺迭偵鵝失期加炮烙鐵梳之刑而死夏四月乙巳小黃室韋叛雅里斯楚思等擊之爲室韋所敗遣使詰之乙卯以禿里代雅里斯爲都統以女古爲監軍率輕騎進討仍令撻馬尋吉里持

詔招諭五月壬申尋吉里奏諭之不從雅里斯以撻稟
蘇二羣牧兵追至柴河與戰不利甲申庫古只奏室韋
長寅尼吉亡入敵烈六月辛亥兪魯古獻良馬賜銀二
千兩以近侍忽刺比馬至先以聞賜銀千兩是月敵烈
來降秋七月甲戌雅里斯奏烏古至河德灤遣夷離董
畫里夷離畢常思擊之丁丑烏古掠上京北榆林峪居
民遣林牙蕭幹討之庚辰雅里斯等與烏古戰不利十
月丁未常思與烏古戰敗之十二月甲辰以近侍喜哥
私歸殺其妻丁未殺近侍隨魯駐蹕黑山平淀

十六年春正月丁卯朔被酒不受賀甲申微行市中賜

酒家銀絹乙酉殺近侍白海及家僕衫福押刺葛樞密
使門吏老古撻馬失魯三月己巳東幸庚午獲鴨甲申
獲鵝皆飲達旦五月甲申以歲旱泛舟于池禱雨不雨
捨舟立水中而禱俄頃乃雨六月丙申以白海死非其
罪賜其家銀絹秋七月壬午諭有司凡行幸之所必高
立標識令民勿犯違以死論八月丁酉漢遣使貢金器
鎧甲閏月乙丑觀野鹿入馴鹿羣立馬飲至晡九月庚
子以重九宴飲夜以繼日至壬子乃罷己未殺狼人裏
里十月庚辰漢左有母喪遣使賻弔十二月甲子幸酒
人拔刺哥家復幸殿前都點檢耶律夷膺葛第宴飲連

日賜金盃細錦及孕馬百疋左右授官者甚衆戊辰漢遣使來貢是冬駐蹕黑山平淀

十七年春正月庚寅朔林牙蕭幹郎君耶律賢適討烏古還帝執其手賜卮酒授賢適右皮室詳穩雅里斯楚思霞里三人賜醕酒以辱之乙卯夷離畢骨欲獻烏古俘二月甲子高勲奏宋將城益津關請以偏師擾之上從之夏四月戊辰殺鷹人敵魯丙子射柳祈雨復以水沃羣臣五月辛卯殺鹿人札葛壬辰北府宰相蕭海瓌薨輟朝罷重五宴六月己未支解雉人壽哥念古殺鹿人四十四人是夏駐蹕裏潭秋八月辛酉生日以政事

令阿不底病亟不受賀九月自丙戌朔獵于黑山赤山至于月終冬十月乙丑殺酒人粹徐十一月辛卯殺近侍廷壽壬辰殺豕人阿不禮曷魯朮里者涅里括庚子司天臺奏月當食不虧上以爲祥歡飲達旦壬寅殺鹿人唐果直哥撒刺十二月辛未手殺襄人海里復鬻之是冬駐蹕黑河平淀


十八年春正月乙酉朔宴于宮中不受賀己亥觀燈于市以銀百兩市酒命羣臣亦市酒縱飲三夕二月乙卯幸五坊使霞實里家宴飲達旦三月甲申如潢河乙酉獲駕鵝祭天地造大酒器刻爲鹿文名曰鹿甌貯酒以

祭天庚戌殺鵲人胡特魯近侍化葛及監囚海里仍到海里之尸夏四月癸丑殺彘人抄里只己巳詔左右從班有材器幹局者不次擢用老耄者增俸以休于家五月丁亥重五以被酒不受賀壬辰獲鵝于述古水野飲終夜丁酉與政事令蕭排押南京留守高勳太師昭古劉承訓等酣飲連日夜己亥殺鹿人頗德鵬哥陶瑰札不哥蘇古涅雛保彌古特敵荅等六月丙辰殺彘人屯奴己未爲殿前都點檢夷鵬葛置神帳曲赦京畿囚甲戌撻烈於鵬窠中得牝犬來進是夏清暑裏潭秋七月辛丑漢主承鈞殂子繼元立來告遣使弔祭九月戊子

殺詳穩八刺拽刺痕篤等四人己丑登小山祭天地戊戌知宋欲襲河東諭西南面都統南院大王撻烈豫爲之備己亥獵熊以喚鹿人鋪姑并掖庭戶賜夷臘葛甲辰以夷臘葛兼政事令仍以黑山東抹真之地數十里賜之以女瓌爲近侍女直詳穩戛陌爲本部夷離董是秋獵于西京諸山冬十月辛亥朔宋圍太原詔撻烈爲兵馬總管發諸道兵救之十一月癸卯冬至被酒不受賀十二月丁丑殺酒人搭烈葛是冬駐蹕黑山東川十九年春正月己卯朔宴宮中不受賀己丑立春被酒命殿前都點檢夷鵬葛代行擊土牛禮甲午與羣臣爲

葉格戲戊戌醉中驟加左右官乙巳詔太尉化哥曰朕
醉中處事有乖無得曲從酒解可覆奏自立春飲至月
終不聽政三月甲寅漢劉繼元嗣立遣使乞封冊辛酉
遣韓知範冊爲皇帝癸亥殺前導未及益刺剗其屍棄
之甲子漢遣使進白麋己巳如懷州獵獲熊歡飲方醉
馳還行宮是夜近侍小哥盪人花哥庖人辛古等六人
反帝遇弒年三十九廟號穆宗後附葬懷陵重熙二十
一年諡曰孝安敬正皇帝

贊曰穆宗在位十八年知女巫妖妄見誅諭臣下濫刑
切諫非不明也而荒耽于酒畋獵無厭偵鵝失期加炮
烙鐵梳之刑獲鴨甚歡除鷹坊刺面之令賞罰無章朝
政不視而嗜殺不已變起肘腋宜哉



遼史卷七

遼史卷七考證

穆宗紀二十八年秋七月辛丑漢主承鈞殂子繼元立
○ 臣人龍 按宋史北漢世家劉鈞卒繼恩立繼恩弑
繼元立而遼史不書繼恩者蓋劉崇在時凡事稟命
于遼歲使不絕鈞立禮文多畧遼主遺書責以三罪
自是契丹使不來而漢使往輒見留至繼元復結契
丹爲援而告已之立遼始遣使弔祭故據事而直書
之非遺漏繼恩也

遼史卷八

元中書右丞相總裁脫脫等修

本紀第八

景宗一

景宗孝成康靖皇帝諱賢字賢寧小字明辰世宗皇帝第二子母曰懷節皇后蕭氏察割之亂帝甫四歲穆宗卽位養永興宮旣長穆宗酗酒怠政帝一日與韓匡嗣語及時事耶律賢適止之帝悟不復言應歷十九年二月戊辰入見穆宗曰吾兒已成人可付以政己巳穆宗遇弒帝率飛龍使女里侍中蕭思溫南院樞密使高勳

率甲騎千人馳赴黎明至行在哭之慟羣臣勸進遂卽
皇帝位於柩前百官上尊號曰天贊皇帝大赦改元保
寧以殿前都點檢耶律夷臘右皮室詳穩蕭烏里只宿
衛不嚴斬之三月丙戌入上京以蕭思溫爲北院樞密
使太平王罽撒葛亡入沙沱己丑夷離畢粘木衮以陰
附罽撒葛伏誅癸巳罽撒葛入朝甲午以北院樞密使
蕭思溫兼北府宰相己亥南院樞密使高勳封秦王夏
四月戊申朔進封太平王罽撒葛爲齊王改封趙王喜
隱爲宋王封隆先爲平王稍爲吳王道隱爲蜀王必攝
爲越王敵烈爲冀王宛爲衛王五月戊寅立貴妃蕭氏

爲皇后丙申朔射柳祈雨有司請以帝生日爲天清節
從之壬寅漢遣李匡弼劉繼文李元素來賀冬十月東
幸裏潭十一月甲辰朔行柴冊禮祠木葉山駐蹕鶴谷
乙巳蕭思溫封魏王北院大王屋質加于越

二年春正月丁未如潢河夏四月幸東京致奠于讓國
院樞密使蕭思溫六月還上京秋七月以右皮室詳穩
賢適爲北院樞密使九月辛丑得國舅蕭海只及海里
殺蕭思溫狀皆伏誅流其弟神觀于黃龍府十二月庚
午漢遣使來貢

三年春正月甲寅右夷离畢奚底遣人獻敵烈俘詔賜
有功將士庚申置登聞鼓院辛酉南京統軍使魏國公
韓匡美封鄴王二月癸酉東幸壬午遣鐸遏使阿薩蘭
回鶻已丑以青牛白馬祭天地三月丁未以飛龍使女
里爲契丹行宮都部署夏四月丁卯世宗妃啜里及蒲
哥厭魅賜死己卯祠木葉山行再生禮丙戌至自東幸
戊子蕭神覩伏誅六月丙子漢遣使問起居自是繼月
而至丁丑回鶻遣使來貢秋七月辛丑以北院樞密使
賢適爲西北路招討使八月甲戌如秋山辛卯祭皇兄
吼墓追冊爲皇太子諡莊聖九月乙巳賜傅父侍中達

里迭太保楚補太保婆兒保母回室押雅等戶口牛羊
有差又以潛邸給使者爲撻馬部置官主之壬子幸歸
化州甲寅如南京冬十月己巳以黑白羊祀神癸未漢
遣使來貢丙戌鼻骨德吐谷渾來貢十一月庚子臚胸
河于越延尼里等率戶四百五十來附乞隸宮籍詔留
其戶分隸敦睦積慶永興三宮優賜遣之十二月癸酉
以青牛白馬祭天地己丑皇子隆緒生是冬駐蹕金川
四年春二月癸亥漢以皇子生遣使來賀閏月戊申齊
王菴撒葛薨三月庚申朔追冊爲皇太叔夏四月庚寅
朔追封蕭思溫爲楚國王是夏駐蹕冰井秋七月如雲

州丁丑鼻骨德來貢冬十月丁亥朔如南京十二月甲午詔內外官上封事

五年春正月甲子惕隱休哥伐党項破之以俘獲之數來上漢遣使來貢庚午御五鳳樓觀燈二月丁亥近侍實魯里誤觸神燹法論死杖釋之壬辰越王必攝獻党項俘獲之數戊申以青牛白馬祭天地辛亥幸新城三月乙卯朔復幸新城追封皇后祖胡母里爲韓王贈伯胡魯古兼政事令尼古只兼侍中夏四月丙申白氣晝見五月癸亥于越屋質薨輟朝三日辛未女直侵邊殺都監達里迭拽刺幹里魯驅掠邊民牛馬已卯阿薩蘭

回鶻來貢六月庚寅女直宰相及夷离董來朝丙申漢遣人以宋事來告秋七月庚辰以保大軍節度使耶律斜里底爲中臺省左相是月駐蹕燕子城九月壬子鼻骨德部長曷魯撻覽來貢冬十月丁酉如南京十一月辛亥朔始獲應歷逆黨近侍小哥花哥辛古等誅之十二月戊戌漢將改元遣使稟命是月如歸化州

六年春正月癸未幸南京三月宋遣使請和以涿州刺史耶律昌朮加侍中與宋議和夏四月宋王喜隱坐謀反廢秋七月丁未朔閣門使酌古加檢校太尉兼御史大夫男海里以告喜隱事遙授隴州防禦使庚申獵于

平地松林冬十月乙亥朔還上京十二月戊子以沙門
昭敏爲三京諸道僧尼都總管加兼侍中

七年春正月甲戌朔宋遣使來賀壬寅望祠木葉山二
月癸亥漢鴈門節度使劉繼文來朝貢方物丙寅以青
牛白馬祭天地三月壬午耶律速撒等獻党項俘分賜
羣臣夏四月遣郎君矧思使宋己酉祠木葉山辛亥射
柳祈雨如頻蹕浣清暑五月丙戌祭神姑秋七月黃龍
府衛將燕頗殺都監張琚以叛遣敝史耶律曷里必討
之九月敗燕頗於治河遣其弟安搏追之燕頗走保兀
惹城安搏乃還以餘黨千餘戶城通州是秋至自頻蹕

浣冬十月釣魚土河

八年春正月癸酉宋遣使來聘二月壬寅諭史館學士
書皇后言亦稱朕暨予著爲定式三月辛未遣五使廉
問四方鰥寡孤獨及貧乏失職者賑之夏六月以西南
面招討使耶律斜軫爲北院大王秋七月丙寅朔寧王
只沒妻安只伏誅只沒高勲等除名辛未宋遣使來賀
天清節八月癸卯漢遣使言天清節設無遮會飯僧祝
釐丁未如秋山己酉漢以宋事來告是月女直侵貴德
州東境九月己巳謁懷陵辛未東京統軍使察鄰詳穩
涸奏女直襲歸州五寨剽掠而去乙亥鼻骨德來貢壬

午漢爲宋人所侵遣使求援命南府宰相耶律沙冀王敵烈赴之戊子漢以宋師壓境遣駙馬都尉盧俊來告冬十月辛丑漢以遼師退宋軍來謝十一月丙子宋主匡胤殂其弟昺自立遣使來告辛卯遣郎君王六撻馬涅木古等使宋弔慰十二月壬寅遣蕭只古馬哲賀宋卽位丁未漢以宋軍復至掠其軍儲來告且乞賜糧爲助戊午詔南京復禮部貢院是月轄曼斯國遣使來貢

遼史卷八

遼史卷八考證


景宗紀一保寧六年二月宋遣使請和以涿州刺史耶律昌朮加侍中與宋議和○臣人龍按職官分紀開

寶七年契丹涿州刺史耶律琮以書遺雄州孫全興願講好于朝廷八年契丹遣欵附使克沙骨慎思來聘自是乃通使矣據此則通和乃契丹之意而遼史書宋遣使請和不書宋之報使諱之也遼書昌朮而宋書琮則名參差不同

八年十一月丙子宋主匡胤殂其弟昺自立○臣宗楷

按太宗改名昺在太平興國二年二月遼史固預爲

書之耳



遼史卷八考證

遼史卷八考證

遼史卷九

元中書右丞相總裁脫脫等修

本紀第九

景宗二

九年春正月丙寅女直遣使來貢二月庚子宋遣使致其先帝遺物甲寅以青牛白馬祭天地三月癸亥耶律沙敵烈獻援漢之役所獲宋俘戊辰詔以粟二十萬斛助漢五月庚午漢遣使來謝且以宋事來告己丑女直二十一人來請宰相夷離堇之職以次授之六月丙辰以宋王喜隱為西南面招討使秋七月庚申朔回鶻遣

使來貢甲子宋遣使來聘壬申漢以宋侵來告丙子遣使助漢戰馬八月漢遣使進葡萄酒冬十月甲子耶律沙以党項降酋可醜買友來見賜詔撫諭丁卯以可醜爲司徒買友爲太保各賜物遣之壬申女直遣使來貢乙酉漢復遣使以宋事來告十一月丁亥朔司天奏日當食不虧戊戌吐谷渾叛入太原者四百餘戶索而還之癸卯祠木葉山乙巳遣太保迭烈割等使宋乙卯漢復遣使以宋事來告十二月戊辰獵于近郊以所獲祭天

十年春正月癸丑如長樂二月庚午阿薩蘭回鶻來貢

三月庚寅祭顯陵夏四月丁卯西幸己巳女直遣使來貢五月癸卯賜女里死遣人誅高勳等六月己未駐蹕泂柳湖秋七月庚戌享太祖廟九月癸未平王隆先子陳哥謀害其父車裂以狗是冬駐蹕金川

乾亨元年春正月乙酉遣撻馬長壽使宋問興師伐劉繼元之故丙申長壽還言河東逆命所當問罪若北朝不援和約如舊不然則戰二月丁卯漢以宋兵壓境遣使乞援詔南府宰相耶律沙爲都統冀王敵烈爲監軍赴之又命南院大王斜軫以所部從樞密副使抹只督之三月辛巳速撒遣人以別部化哥等降納之丙戌漢

遣使謝撫諭軍民詔北院大王奚底乙室王撒合等以兵戍燕已丑漢復告宋兵入境詔左千牛衛大將軍韓侂大同等軍節度使耶律善補以本路兵南援辛卯女直遣使來貢丁酉耶律沙等與宋戰於白馬嶺不利冀王敵烈及突呂不部節度使都敏黃皮室詳穩唐筈皆死之士卒死傷甚衆夏四月辛亥漢以行軍事宜來奏盧俊自代州馳狀告急辛酉敵烈來貢五月己卯宋兵至河東漢與戰不利劉繼文盧俊來奔六月劉繼元降宋漢亡甲子封劉繼文爲彭城郡王盧俊同政事門下平章事宋主來侵丁卯北院大王奚底統軍使蕭討古乙室王撒合擊之戰于沙河失利己巳宋主圍南京丁丑詔諭耶律沙及奚底討古等軍中事宜秋七月癸未沙等及宋兵戰于高粱河少却休哥斜軫橫擊大敗之宋主僅以身免至涿州竊乘驢車遁去甲申擊宋餘軍所殺甚衆獲兵仗器甲符印糧饋貨幣不可勝計辛丑耶律沙遣人上俘獲以權知南京留守事韓德讓權南京馬步軍都指揮使耶律學古知三司事劉弘皆能安人心捍城池並賜詔褒獎八月壬子阻卜惕隱曷魯夷离董阿里覩等來朝乙丑耶律沙等獻俘丙寅以白馬之役責沙抹只復以走宋主功釋之奚底遇敵而退以劔

背擊之撒合雖却部伍不亂宥之冀王敵烈麾下先遁者斬之都監以下杖之壬申宴沙抹只等將校賜物有差九月己卯燕王韓匡嗣爲都統南府宰相耶律沙爲監軍惕隱休哥南院大王斜軫權奚王抹只等各率所部兵南伐仍命大同軍節度使善補領山西兵分道以進冬十月乙丑韓匡嗣與宋兵戰於滿城敗績辛未太保矧思與宋兵戰於火山敗之乙亥詔數韓匡嗣五罪赦之十一月戊寅宴賞休哥及有功將校乙未南院樞密使兼政事令郭襲上書諫畋獵嘉納之辛丑冬至赦改元乾亨十二月乙卯燕王韓匡嗣遙授晉昌軍節度

使降封秦王壬戌蜀王道隱南京留守徙封荆王是冬駐蹕南京

二年春正月丙子朔封皇子隆緒爲梁王隆慶爲恒王丁亥以惕隱休哥爲北院大王前樞密使賢適封西平郡王二月戊辰如清河三月丁亥西南面招討副使耶律王六太尉化哥遣人獻党項俘閏月庚午有鵝飛止御帳獲以祭天夏四月庚辰祈雨戊子清暑燕子城五月雷火乾陵松六月己亥喜隱復謀反囚于祖州秋七月戊午王六等獻党項俘八月戊戌東幸冬十月辛未朔命巫者祠天地及兵神辛巳將南伐祭旗鼓癸未次

南京丁亥獲敵人射鬼箭庚寅次固安以青牛白馬祭
天地已亥圍瓦橋關十一月庚子朔宋兵夜襲營突呂
不部節度使蕭幹及四捷軍詳穩耶律痕德戰却之王
寅休哥敗宋兵於瓦橋東守將張師引兵出戰休哥奮
擊敗之戊申宋兵陣於水南休哥涉水擊破之追至莫
州殺傷甚衆已酉宋兵復來擊之殆盡丙辰班師乙丑
還次南京十二月庚午朔休哥拜于越大饗軍士


三年春二月丙子東幸己丑復幸南京三月乙卯皇子
韓八卒辛酉葬潢土二河之間置永州以秦王韓匡嗣
爲西南面招討使五月丙午上京漢軍亂劫立喜隱不

克僞立其子留禮壽上京留守除室擒之秋七月甲子
留禮壽伏誅冬十月如蒲瑰坡十一月辛亥加除室同
政事門下平章事是月以南院樞密使郭襲爲武定軍
節度使十二月以遼興軍節度使韓德讓爲南院樞密
使

四年春正月己亥如華林天柱三月乙未清明與諸王
大臣較射宴飲夏四月自將南伐至滿城戰不利守太
尉奚瓦里中流矢死統軍使善補爲伏兵所圍樞密使
斜軫救免詔以失備杖之五月班師清暑燕子城秋七
月壬辰遣使賜喜隱死八月如西京九月庚子幸雲州

甲辰獵于祥古山帝不豫壬子次焦山崩於行在年三十五在位十三年遺詔梁王隆緒嗣位軍國大事聽皇后命統和元年正月壬戌上尊諡孝成皇帝廟號景宗重熙二十一年加諡孝成康靖皇帝


贊曰遼興六十餘年神冊會同之間日不暇給天祿應歷之君不令其終保寧而來人人望治以景宗之資任人不疑信賞必罰若可與有爲也而竭國之力以助河東破軍殺將無救滅亡雖一取償於宋得不償失知匡嗣之罪數而不罰善郭襲之諫納而不用沙門昭敏以左道亂德寵以侍中不亦惑乎



遼史卷九

遼史卷九考證


景宗紀二九年秋七月甲子宋遣使來聘。○ 臣長發按
 續通鑑綱目夏四月乙卯葬永昌陵契丹遣耶律敞
 會葬尋遣辛仲甫報謝之遼史畧去會葬之使而止
 書宋使來聘



遼史卷九

本紀

一



遼史卷九考證

遼史卷十

元中書右丞相總裁脫脫等修

本紀第十

聖宗一

聖宗文武大孝宣皇帝諱隆緒小字文殊奴景宗皇帝
長子母曰睿智皇后蕭氏帝幼喜書翰十歲能詩既長
精射法曉音律好繪畫乾亨二年封梁王四年九月壬
子景宗崩癸丑即皇帝位於柩前時年十二皇后奉遺
詔攝政詔諭諸道冬十月己未朔帝始臨朝辛酉羣臣
上尊號曰昭聖皇帝尊皇后為皇太后大赦以南院大

王勃古哲總領山西諸州事北院大王于越休哥爲南
面行軍都統奚王和朔奴副之同政事門下平章事蕭
道寧領本部軍駐南京乙丑如顯州十一月甲午置乾
州十二月戊午耶律速撒討阻卜辛酉南京留守荆王
道隱奏宋遣使獻犀帶請和詔以無書却之甲子撻刺
干乃萬十醉言宮掖事法當死杖而釋之辛未南面招
討使秦王韓匡嗣薨癸酉奉大行皇帝梓宮于敢塗殿
庚辰省置中臺省官

統和元年春正月戊午朔以大行在殯不受朝乙丑奉
遺詔召先帝庶兄質睦于敢塗殿前復封寧王加宰相
室昉宣徽使普領等恩丙寅荆王道隱有疾詔遣使存
問是日皇太后幸其邸視疾戊辰以烏隈烏骨里部節
度使耶律章瓦同政事門下平章事甲戌荆王道隱薨
輟朝三日追封晉王遣使撫慰其家丙子以于越休哥
爲南京留守仍賜南面行營總管印綬總邊事渤海撻
馬解里以受先帝厚恩乞殉葬詔不許賜物以旌之戊
寅遣使賜于越休哥及奚王壽寧統軍使頗德等湯藥
命懇篤持送休哥下車旆以諭燕民辛巳速撒獻阻卜
俘壬午涿荊刺史安吉奏宋築城河北詔留守于越休
哥撓之勿命就功趙妃及公主胡骨典奚王壽寧宰相

安寧北大王普奴寧惕隱屈烈吳王稍寧王只沒與橫
帳國舅契丹漢宮等並進助山陵費癸未齊國公主率
內外命婦進物如之甲申西南面招討使韓德威奏党
項十五部侵邊以兵擊破之乙酉以速撒破阻卜下詔
褒美仍諭與大漢討党項諸部丁亥樞密使兼政事令
室助以年老請解兼職詔不允二月戊子朔禁所在官
吏軍民不得無故聚眾私語及冒禁夜行違者坐之已
丑南京奏聞宋多聚糧邊境及宋主將如臺山詔休哥
嚴爲之備甲午葬景宗皇帝於乾陵以近幸朗掌飲伶
人撻魯爲殉上與皇太后因爲書附上大行丙申皇太

后詣陵置奠命繪近臣於御容殿賜山陵工人物有差
庚子以先帝遺物賜皇族及近臣辛丑南京統軍使耶
律善補奏宋邊七十餘村來附詔撫存之乙巳以御容
殿爲玉殿酒谷爲聖谷速撒奏討党項捷遣使慰勞戊
申以惕隱化哥爲北院大王解領爲南府宰相辛亥幸
聖山遂謁三陵甲寅以皇女長壽公主下嫁國舅宰相
蕭婆項之子吳留三月戊午天德軍節度使頽刺父子
戰歿以其弟涅離襲爵己未次獨山遣使賞西南面有
功將士辛酉以大父帳太尉耶律曷魯寧爲惕隱甲子
駐蹕遼河之平淀辛巳以國舅同平章事蕭道寧爲遼

與軍節度使仍賜號忠亮佐理功臣壬午以青牛白馬
祭天地夏四月丙戌朔幸東京以樞密副使耶律末只
兼侍中爲東京留守庚寅謁太祖廟癸巳詔賜物命婦
寡居者丙申南幸辛丑謁三陵以東京所進物分賜陵
寢官吏復詔賜西南路招討使大漢劔不用命者得專
殺壬寅致享于凝神殿癸卯謁乾陵乙巳遣人以酒脯
祭平章耶律河陽墓庚戌幸夫人烏骨里第謁太祖御
容禮畢幸公主胡古典第飲賜與甚厚壬子大臣以太
后預政宜有尊號請下有司詳定冊禮詔樞密院諭沿
邊節將至行禮日止遣子弟奉表稱賀恐失邊備樞密

請詔北府司徒頗德譯南京所進律文從之遂如徽州
以耶律慶朗爲信州節度使五月丙辰朔國舅政事門
下平章事蕭道寧以皇太后慶壽請歸父母家行禮而
齊國公主及命婦羣臣各進物設宴賜國舅帳者年物
有差壬戌西南路招討請益兵討西突厥諸部詔北王
府耶律蒲奴寧以敵畢迭烈二部兵赴之癸亥以于越
休哥在南院過用吏人詔南大王母相循襲庚午耶律
善補招亡入宋者得千餘戶歸國詔令撫慰辛未次永
州祭王子藥師奴墓乙亥詔近臣議皇太后上尊號冊
禮樞密使韓德度以後漢太后臨朝故事草定上之丙

子以青牛白馬祭天地戊寅幸木葉山西南路招討使
大漢奏近遣拽刺跋刺哥諭党項諸部來者甚衆下詔
褒美六月乙酉朔詔有司冊皇太后日給三品以上法
服三品以下用大射柳之服西南路招討使奏党項酋
長執夷离董子隈引等乞內附詔撫納之仍察其誠偽
謹邊備丙戌還上京己丑有司奏同政事門下平章事
駙馬都尉盧俊與公主不協詔離之遂出俊爲興國軍
節度使辛卯有事于太廟甲午上率羣臣上皇太后尊
號曰承天皇帝太后羣臣上皇帝尊號曰天輔皇帝大赦
改元統和丁未覃恩中外文武官各進爵一級以樞密

副使耶律斜軫守司徒秋七月甲寅朔皇太后聽政乙
卯上親錄囚工子司徒婁國坐稱疾不赴山陵咎二十
辛酉行再生禮癸酉臨潢尹裊衮進飲饌上與諸王分
朋擊鞠丙子韓德威遣詳穩轄馬上破党項俘獲數千
送夷离董之子來獻辛巳賞西南面有功將士八月戊
子西巡己丑謁祖陵辛卯皇太后祭楚國王蕭思温
墓癸巳上與皇太后謁懷陵遂幸懷州甲午上與斜軫
於太后前易弓矢鞍馬約以爲友己亥獵赤山遣使薦
熊肪鹿脯于乾陵之凝神殿以政事令孫楨無子詔國
舅小翁帳郎君桃隈爲之後乙巳詔于越休哥提點元

城壬子韓德威表請伐党項之復叛者詔許之仍發別部兵數千以助之九月癸丑朔以東京平州旱蝗詔賑之乙卯謁永興長寧敦睦三宮丙辰南京留守奏秋霖害稼請權停關征以通山西糴易從之庚申謁宣簡皇帝廟辛酉幸祖州謁祖陵壬戌還上京辛未有司請以帝生日爲十齡節從之皇太后言故于越屋只有傳導功宜錄其子孫遂命其子泮決爲林牙丙子如老翁川冬十月癸未朔司天奏老人星見戊子以公主淑哥下嫁國舅詳穩照姑癸巳速撒奏敵烈部及叛蕃來降悉復故地乙未以燕京留守于越休哥言每歲諸節度使貢獻如契丹宮例止進鞍馬從之丁酉以吳王稍爲上京留守行臨潢尹事上將征高麗親閱東京留守耶律末只所總兵馬丙午命宣徽使兼侍中蒲領林牙肯德等將兵東討賜旗鼓及銀符十一月壬子朔觀漁撻馬灤癸丑應州奏獲宋謀者言宋除道五臺山將入靈丘界詔謀者及居停人並磔于市庚辰上與皇太后祭乾陵下詔諭三京左右相左右平章事副留守判官諸道節度使判官諸軍事判官錄事參軍等當執公方毋得阿順諸縣令佐如遇州官及朝使非理徵求毋或畏徇恒加采聽以爲殿最民間有父母在別籍異居者聽鄰

里覺察坐之有孝于父母三世同居者旌其門閭十二月壬午朔謁凝神殿遣使分祭諸陵賜守殿官屬酒是日幸顯州丁亥以顯州歲貢綾錦分賜左右甲午東幸已亥皇太后觀漁于玉盆灣辛丑觀漁于濬淵甲辰勅諸刑辟已結正決遣而有寃者聽詣臺訴是夕然萬魚燈于雙溪戊申千齡節祭日月禮畢百僚稱賀

二年春正月甲子如長樂二月癸巳國舅帳彰德軍節度使蕭闔覽來朝甲午賜將軍耶律敵不春衣束帶丙申東路行軍宣徽使蕭蒲寧奏討女直捷遣使執手獎諭庚子朝皇太后太后因從觀獵于饒樂川乙巳五國

烏隈于厥節度使耶律隗洼以所轄諸部難治乞賜詔給劔便宜行事從之丙午上與諸王大臣較射丁未韓德威以征党項廼遂襲河東獻所俘賜詔褒美三月乙卯劃離部請今後詳穩止從本部選授爲宜上曰諸部官惟在得人豈得定以所部爲限不允贈故同平章事趙延煦兼侍中夏四月丁亥宣徽使同平章事耶律普寧都監蕭勤德獻征女直捷授普寧兼政事命勤德神武衛大將軍各賜金器諸物庚寅皇太后臨決滯獄辛卯祭風伯壬辰以宣徽南院使劉承規爲承德軍節度使崇德宮都部署保義軍節度使張德筠爲宣徽北院

使五月乙卯祠木葉山丁丑駐蹕沿柳湖六月己卯朔
皇太后決獄至月終秋七月癸丑皇太后行再生禮八
月辛卯東京留守兼侍中耶律末只奉女直木不直賽
里等八族乞舉衆內附詔納之九月戊申朔駐蹕土河
辛未以景宗忌日詔諸道京鎮遣官行香飯僧冬十月
丁丑朔以歸化州刺史耶律普寧爲彰德軍節度使右
武衛大將軍韓倬爲彰國軍節度使兼侍衛親軍兵馬
都指揮使冬十一月壬子以樞密直學士給事中鄭叡
爲儒州刺史是月速撒等討阻卜殺其酋長撻刺于十
二月辛丑以翰林學士承旨馬得臣爲宣政殿學士耶
律頗德南京統軍使耶律瑤昇大內惕隱大仁靖東京
中臺省右平章事

三年春正月丙午朔如長樂丁巳以翰林學士邢抱朴
爲尚書禮部侍郎知制誥左拾遺知制誥劉景吏部郎
中知制誥牛藏用並政事舍人二月丙子朔以牛藏用
知樞密直學士三月乙巳朔樞密奏契丹諸役戶多困
乏請以富戶代之上因閱諸部籍涅刺烏隈二部戶少
而役重并量免之夏四月乙亥朔祠木葉山壬午以鳳
州刺史趙匡符爲保靜軍節度使癸未以左監門衛大
將軍王庭勗爲奉先軍節度使彰武軍節度使韓德凝

爲崇義軍節度使五月壬子還上京癸酉以國舅蕭道
寧同平章事知瀋州軍州事六月甲戌如栢坡皇太后
親決滯獄乙亥以歸義軍節度使王希嚴爲興國軍節
度使秋七月甲辰朔詔諸道繕甲兵以備東征高麗甲
寅東幸甲子遣郎君班裏賜秦王韓匡嗣葬物丙寅駐
蹕土河以暴漲命造船橋明日乘步輦出聽政老人星
見丁卯遣使閱東京諸軍兵器及東征道路以平章事
蕭道寧爲昭德軍節度使武定軍節度使守司空兼政
事令郭襲爲天平軍節度使大同軍節度使守太子太
師兼政事令劉延構爲義成軍節度使贈尚父秦王韓
匡嗣尚書令八月癸酉朔以遼澤沮洳罷征高麗命樞
密使耶律斜軫爲都統駙馬都尉蕭懇德爲監軍以兵
討女直丁丑次橐城庚辰至顯州謁疑神殿辛巳幸乾
州觀新宮癸未謁乾陵甲申命南北面臣僚分巡山陵
林木及令乾顯二州上所部里社之數丙戌北皮室詳
穩進勇敢士七人戊子故南院大王諧領已里婉妻蕭
氏奏夫死不能葬詔有司助之庚寅東征都統所奏路
尚陷濼未可進討詔俟澤涸深入癸巳皇太后謁顯陵
庚子謁乾陵辛丑西幸閏九月癸酉命邢抱朴勾檢顯
陵丙子行次海上庚辰重九駱駝山登高賜羣臣菊花

酒辛巳詔諭東征將帥乘水涸進討丙申女直宰相朮不里來貢戊戌駐蹕東古山己亥速撒奏朮不姑諸部至近淀夷离堇易魯姑請行俘掠上曰諸部於國無惡何故俘掠徒生事耳不允冬十一月甲戌詔吳王稍領秦王韓匡嗣葬祭事丁丑詔以東北路兵馬監軍妻婆底里存撫邊民戊寅賜公主胡骨典葬夫金帛工匠辛卯以韓德讓兼政事令癸巳禁行在市易布帛不中尺度者丙申東征女直都統蕭闡覽菩薩奴以行軍所經地里物產來上

遼史卷十

遼史卷十考證

聖宗紀一十二月辛酉南京留守荆王道隱奏宋遣使獻犀帶請和詔以無書却之○臣宗萬按宋史太宗

本紀太平興國七年十二閏月豐州與契丹戰破之獲其天德節度使蕭太合一國之史觀之遼不書本國之敗績宋不書本國之求和

統和元年二月戊子朔○

臣人龍

按宋史太宗本紀太

平興國八年二月戊子朔日有食之遼史失載

遼史卷十考證

遼史卷十一

元中書右丞相總裁脫脫等修

本紀第十一

聖宗二

四年春正月甲戌觀漁土河林牙耶律謀魯姑彰德軍節度使蕭闡覽上東征俘獲賜詔獎諭丙子樞密使耶律斜軫林牙勤德等上討女直所獲生口十餘萬馬二十餘萬及諸物已卯朝皇太后決滯訟壬午樞密使斜軫林牙勤德謀魯姑節度使闡覽統軍使室羅侍中抹只奚王府監軍迪烈與安吉等克女直還軍遣近侍泥

里吉詔旌其功仍執手撫諭賜酒果勞之甲午幸長樂
二月壬寅以四番都統軍李繼忠爲檢校司徒上柱國
癸卯西夏李繼遷叛宋來降以爲定難軍節度使銀夏
綏宥等州觀察處置等使特進檢校太師都督夏州諸
軍事西番酋帥瓦泥乞移爲保大軍節度使鄜坊等州
觀察處置等使甲寅耶律斜軫蕭闥覽謀魯姑等族帥
來朝行飲至之禮賞賚有差丙寅行次裊里井三月甲
戌于越休哥奏宋遣曹彬崔彥進米信由雄州道田重
進飛狐道潘美楊繼業鴈門道來侵岐溝涿州固安新
城皆陷詔宣徽使蒲領馳赴燕南與休哥議軍事分遣
使者徵諸部兵益休哥以擊之復遣東京留守耶律抹
只以大軍繼進賜劔專殺乙亥以親征告陵廟山川丙
子統軍使耶律頗德敗宋軍于固安休哥絕其糧餉擒
將吏獲馬牛器仗甚衆庚辰寰州刺史趙彥章以城叛
附于宋辛巳宋兵入涿州義順軍節度副使趙希贊以
朔州叛附于宋時上與皇太后駐兵馳羅口詔趣東征
兵馬以爲應援壬午詔林牙勤德以兵守平州之海岸
以備宋仍報平州節度使迪里姑若勤德未至遣人趣
行馬乏則括民馬鎧甲闕則取於顯州之甲坊癸未遼
軍與宋田重進戰于飛狐不利冀州防禦使大鵬翼康

州刺史馬贊馬軍指揮使何萬通陷焉丁亥以北院樞密使耶律斜軫爲山西兵馬都統以北院宣徽使蒲領爲南征都統以副于越休哥彰國軍節度使艾正觀察判官宋雄以應州叛附于宋庚寅遣飛龍使亞刺文班吏亞達哥閱馬以給先發諸軍詔駙馬都尉蕭繼遠領之辛卯武定軍馬步軍都指揮使郢州防禦使呂行德副都指揮使張繼從馬軍都指揮使劉知進等以飛狐叛附于宋癸巳賜林牙謀魯姑旗鼓四劍一率禁軍之驍銳者南助休哥丙申步軍都指揮使穆超以靈丘叛附于宋詔遣使賜樞密使斜軫密旨及彰國軍節度使杓窰印以趣征討夏四月己亥朔次南京北郊庚子楊隱瑤昇西南面招討使韓德威以捷報辛丑宋潘美陷雲州壬寅遣抹只謀魯姑勤德等領偏師以助休哥仍賜旗鼓杓窰印撫諭將校癸卯休哥復以捷報上以酒脯祭天地率羣臣賀于皇太后詔勤德還軍丙午頗德上所獲鎧仗數戊申監軍宣徽使蒲領奏敵軍引退而奚王籌寧北大王蒲奴寧統軍使頗德等以兵追躡皆勝之遣敝吏勤德持詔褒美及詔侍中抹只統諸軍赴行在所頻不部節度使和盧覩黃皮室詳穩解里等各上所獲兵甲又詔兩部突騎赴蔚州以助闡覽橫帳郎

通鑑卷一百一十一
之終
三十一
君老君奴率諸郎君巡徼居庸之北將軍化哥統平州
兵馬橫帳郎君奴哥爲黃皮室都監郎君謁里爲北府
都監各以步兵赴蔚州以助斜軫庚戌以斜軫爲諸路
兵馬都統闔覽兵馬副部署迪子都監以代善補韓德
威癸丑以艾正趙希贊及應州朔州節度副使奚軍小
校監離轄渤海小校貫海等叛入于宋籍其家屬分賜
有功將校宋將曹彬米信北渡拒馬河與于越休哥對
壘挑戰南北列營長六七里時上次涿州東五十里甲
寅詔于越休哥奚王籌寧宣徽使蒲領南北二王等嚴
備水道無使敵兵得潛至涿州乙卯休哥等敗宋軍獻

所獲器甲貨財賜詔褒美蔚州左右都押衙李存璋許
彥欽等殺節度使蕭啜里執監城使銅州節度使耿紹
忠以城叛附于宋丙辰復涿州告天地戊午上次沙姑
河之北淀召林牙勤德議軍事諸將校各以所俘獲來
上奚王籌寧南北二王率所部將校來朝以近侍粘米
里所進自落鴉祭天地己未休哥蒲領來朝詔三司給
軍前夏衣布庚申上朝皇太后辛酉大軍次固安壬戌
圍固安城統軍使頗德先登城遂破大縱俘獲居民先
被俘者命以官物贖之甲子賞攻城將士有差五月庚
午遼師與曹彬米信戰于岐溝關大敗之追至拒馬河

溺死者不可勝紀餘衆奔高陽又爲遼師衝擊死者數萬棄戈甲若丘陵輓漕數萬人匿岐溝空城中圍之壬申以皇太后生辰縱還癸酉班師還次新城休哥蒲領奏宋兵奔逃者皆殺之甲戌以軍捷遣使分諭諸路京鎮丁丑詔諸將校論功行賞無有不實己卯次固安南以青牛白馬祭天地庚辰以所俘宋人射鬼箭詔遣詳穩排亞率弘義官兵及南北皮室郎君拽刺四軍赴應朔二州界與惕隱瑤昇招討韓德威等同禦宋兵在山西之未退者辛巳以瑤昇軍赴山西壬午還次南京癸未休哥籌寧蒲奴寧進俘獲斜軫遣判官蒲奴奏復蔚

州斬首二萬餘級乘勝攻下靈丘飛狐賜蒲奴酒及銀器丙戌御元和殿大宴從軍將校封休哥爲宋國王加蒲領籌寧蒲奴寧及諸有功將校爵賞有差丁亥發南京詔休哥備器甲儲粟待秋大舉南征戊子斜軫奏宋軍復圍蔚州擊破之詔以兵授瑤昇韓德威等壬辰以宋兵至平州瑤昇韓德威不盡追殺降詔詰責仍諭據城未降者必盡掩殺無使遁逃癸巳以軍前降卒分賜扈從乙未賞頗德諸將校士卒六月戊戌朔詔韓德威赴闕加統軍使頗德檢校太師甲辰詔南京留守休哥遣礮手西助斜軫乙巳以夷離畢姪里古部送輜重行

宮暑行日五十里人馬疲乏遣使讓之丁未度居庸關
壬子南京留守奏百姓歲輸三司鹽鐵錢折絹不如直
詔增之甲寅斜軫奏復寰州乙卯皇太妃諸王公主迎
上嶺表設御幄道傍置景宗御容率從臣進酒陳俘獲
于前遂大宴戊午幸涼陁以所俘分賜皇族及乳母己
未聞所遣宣諭回鶻覈列智國度里亞里等爲朮不姑
邀留詔速撒賜朮不姑貨幣諭以朝廷來遠之意使者
由是乃得行癸亥以節度使韓毗哥翰林學士邢抱朴
等充雲州宣諭招撫使丙寅以太尉王八所俘生口分
賜趙妃及于越迪輦乙里婉秋七月丙子樞密使斜軫
遣侍御涅里底幹勤哥奏復朔州擒宋將楊繼業及上
所獲將校印綬誥勅賜涅里底等酒及銀器辛巳以捷
告天地以宋歸命者二百四十人分賜從臣又以殺敵
多詔上京開龍寺建佛事一月僧飯萬人辛卯斜軫奏
大軍至蔚州營于州左得謀報敵兵且至乃設伏以待
敵至縱兵逆擊追奔逐北至飛狐口遂乘勝鼓行而西
入寰州殺守城吏卒千餘人宋將楊繼業初以驍勇自
負號楊無敵北據雲朔數州至是引兵南出朔州三十
里至狼牙村惡其名不進左右固請乃行遇斜軫伏四
起中流矢墮馬被擒瘡發不食三日死遂函其首以獻

詔詳穩轄麥室傳其首于越休哥以示諸軍仍以朔州之捷宣諭南京平州將吏自是宋守雲應諸州者聞繼業死皆棄城遁八月丁酉置先離闡覽官六員領于骨里女直迪烈于等諸部人之隸官籍者以北大王蒲奴寧爲山後五州都管乙巳韓德讓奏宋兵所掠州郡其逃民禾稼宜募人收穫以其半給收者從之乙卯斜軫還自軍獻俘已未用室昉韓德讓言復山西今年租賦詔第山西諸將校功過而賞罰之乙室帳宰相安寧以功過相當追告身一通諦居部節度使佛奴答五十楊隱瑤昇拽刺斡列朔州節度使慎思應州節度使骨只

雲州節度使化哥軍校李元迪蔚州節度使佛留都監崔其劉繼琛皆以聞敵逃遁奪官配烈仍配隸本貫領國舅軍王六答五十壬戌以斜軫所部將校前破女直後有宋捷第功加賞癸亥加斜軫守太保九月丙寅朔皇太妃以上納后進衣物馳馬以助會親頒賜甲戌次黑河以重九登高于高水南阜祭天賜從臣命婦菊花酒丁丑次河陽北戊寅內外命婦進會親禮物辛巳納皇后蕭氏丙戌次儒州以大軍將南征詔遣皮室詳穩乞的郎君拽刺先赴本軍繕甲兵己丑召北大王蒲奴寧赴行在所甲午皇太后行再生禮冬十月丙申朔党


項阻卜遣使來貢丁酉皇太后復行再生禮爲帝祭神
祈福己亥以乙室王帳郎君吳留爲御史大夫政事令
室昉奏山西四川自宋兵後人民轉徙盜賊充斥乞下
有司禁止命新州節度使蒲打里選人分道巡檢北大
王帳郎君曷葛只里言本府王蒲奴寧十七罪詔橫帳
太保覈國底鞫之蒲奴寧伏其罪十一笞二十釋之曷
葛只里亦伏誣告六事命詳酌罪之知事勤德連坐杖
一百免官甲辰出居庸關乙巳詔諸京鎮相次軍行諸
細務權停理問庚戌分遣拽刺沿邊偵候辛亥命皇族
盧帳駐東京延芳淀壬子詔以勅榜付于越休哥以南

征諭拒馬河南六州乙卯幸南京戊午以南院大王留
寧言復南院部民今年租賦壬戌以銀鼠青鼠及諸物
賜京官僧道耆老甲子上與大臣分朋擊鞠十二月丙
寅朔党項來貢庚午以政事令韓德讓守司徒壬申以
古北松亭榆關征稅不法致阻商旅遣使鞫之女直請
以兵從征許之癸酉御正殿大勞南征將校丙子南伐
次狹底塌皇太后親閱輜重兵甲丁丑以休哥爲先鋒
都統戊寅日南至上率從臣祭酒景宗御容辛巳詔以
北大王蒲奴寧居奉聖州山西五州公事竝聽與節度
使蒲打里共裁決之癸未祭日月爲駙馬都尉勤德祈

福乙酉置諸部監勒所部各守營伍毋相錯雜丙戌遣
謀魯姑蕭繼遠沿邊巡徼以所獲宋卒射鬼箭丁亥以
青牛白馬祭天地辛卯次白佛塔川獲自落馴狐以爲
吉徵祭天地詔駙馬都尉蕭繼遠林牙謀魯姑太尉林
八等固守封疆毋漏間諜軍中無故不得馳馬及縱諸
軍殘南境桑果壬辰至唐興縣時宋軍屯淳沱橋北選
將亂射之橋不能守進焚其橋癸巳涉沙河休哥來議
事北皮室詳穩排亞獻所獲宋諜二人上賜衣物令還
招諭泰州楮特部節度使盧補古都監耶律盼與宋戰
于泰州不利甲午祭庶鹿神以盧補古臨陣遁逃奪告
身一通其判官都監各杖之郎君拽刺雙骨里遇宋先
鋒於望都擒其士卒九人獲甲馬十一賜酒及銀器乙
未以盧補古等罪詔諭諸軍以御蓋郎君化哥權楮特
部節度使橫帳郎君佛留爲都監代盧補古權領國舅
軍桃畏請置二校領散卒詔以郎君世音頗德等充命
彰德軍節度使蕭闡覽將軍迪子畧地東路詔休哥排
亞德議軍事十二月己亥休哥敗宋軍於望都遣人獻
俘壬寅營于淳沱北詔休哥以騎兵絕宋兵毋令入邢
州命太師王六謹偵候癸卯小校曷主遇宋輜重引兵
殺獲甚衆并焚其芻粟甲辰詔南大王與休哥合勢進

通鑑卷十一
本紀
九

討宰相安寧領迪離部及三剋軍殿上率大軍與宋將
劉廷讓李敬源戰于莫州敗之乙巳擒宋將賀令圖楊
重進等國舅詳穩撻烈哥宮使蕭打里死之丙午詔休
哥以下入內殿賜酒勞之丁未築京觀復入南京禁軍
擊楊團城守將以城降詔禁侵掠己酉營神榆村詔上
楊團城粟麥兵甲之數辛亥以黑白二牲祭天地癸丑
拔馮母鎮大縱俘掠丙辰邢州降丁巳拔深州以不卽
降誅守將以下縱兵大掠李繼遷引五百騎款塞願媾
大國永作藩輔詔以王子帳節度使耶律襄之女汀封
義成公主下嫁賜馬三千匹



遼史卷十一


遼史卷十一考證

聖宗紀二統和四年十二月癸丑拔馮母鎮大縱俘掠

○ 臣長發 按宋通鑑壬子契丹薄代州為張齊賢所

敗殺其國舅詳穩撻烈哥宮使蕭打里遼史于癸丑

記拔馮母鎮大縱俘掠而壬子之敗則諱之



聖宗... 遼史卷十一考證

遼史卷十二

元中書右丞相總裁脫脫等修

本紀第十二

聖宗三

五年春正月乙丑破束城縣縱兵大掠丁卯次文安遣人諭降不聽遂擊破之盡殺其丁壯俘其老幼戊寅上還南京己卯御元和殿大賚將士壬辰如華林天柱二月甲午朔至自天柱三月癸亥朔幸長春宮賞花釣魚以牡丹徧賜近臣歡宴累日丁丑以諱居部下拽刺解里偵候有功命入御蓋郎君班祇候夏四月癸巳朔幸

南京丁酉上率百僚冊上皇太后尊號曰睿德神畧應
運啟化承天皇帝太后禮畢羣臣上皇帝尊號曰至德廣
孝昭聖天輔皇帝戊戌詔有司條上勲舊等第加恩癸
丑清暑水井六月壬辰召大臣決庶政丙申以耶律蘇
爲遙郡刺史秋七月戊辰涅刺部節度使撒葛里有惠
政民請留從之是月獵平地松林九月丙戌幸南京是
冬止焉

六年春正月庚申如華林天柱二月丁未奚王籌寧殺
無罪人李浩所司議貴請貸其罪令出錢贍浩家從之
甲寅大同軍節度使同平章政事劉京致仕己未休哥
奏宋事宜上親覽之丙寅以司天趙宗德齊泰王守平
邵祺閻梅從征四載言天象數有徵賜物有差三月癸
未李繼遷遣使來貢夏四月乙未幸南京丁酉胡里室
橫突韓德讓墮馬皇太后怒殺之戊戌幸宋國王休哥
第五月癸亥南府宰相耶律沙薨閏月丙戌朔奉聖州
言太祖所建金鈴閣壞乞加修繕詔以南征恐重勞百
姓待軍還治之壬寅阿薩蘭回鶻來貢甲寅烏隈于厥
部以歲貢貂鼠青鼠皮非土產皆於他處貿易以獻乞
改貢詔自今止進牛馬六月癸亥党項太保阿剌恍來
朝貢方物乙丑諭諸道兵馬備南征攻城器具乙酉夷

遼史卷十一
本系
離堇阿魯勃迭沙州節度使曹恭順還授于越秋七月
丙戌觀市己亥遣南面招討使韓德威討河湟諸蕃違
命者賜休哥排亞部諸軍戰馬己酉駐蹕于洛河壬子
加韓德威開府儀同三司兼政事令門下平章事東京
留守兼侍中漆水郡王耶律抹只爲大同軍節度使癸
丑排亞請增置涿州驛傳丙辰以青牛白馬祭天地八
月戊午休哥與排亞裊里曷捉生將至易州遇宋兵殺
其指揮使而還庚申幸黎園溫湯癸亥以將伐宋遣使
祭木葉山丁丑瀕海女直遣使速魯里來朝西北路管
押詳穩速撒哥以伐折立助里二部上所俘獲東路林

牙蕭勤德及統軍石老以擊敗女直兵獻俘大同軍節
度使耶律抹只奏今歲霜早乏食乞增價折粟以利貧
民詔從之濱海女直遣廝魯里來修土貢丙申化哥與
木不姑春古里來貢休哥遣詳穩意德里獻所獲宋謀
者丁酉皇太后幸韓德讓帳厚加賞賚命從臣分朋雙
陸以盡歡九月戊戌幸南京己亥有事于太宗皇帝廟
以唐元德爲奉陵軍節度使癸卯祭旗鼓南伐庚戌次
涿州射帛書諭城中降不聽乙卯縱兵四面攻之城破
乃降因撫諭其衆駙馬蕭勤德太師闡覽皆中流矢勤
德載帝車中以歸聞宋軍退遣斜軫排亞等追擊大敗

之冬十月戊午攻沙堆驛破之己巳以黑白羊祭天地
庚午以宋降軍分置七指揮號歸聖軍壬申行軍叅謀
宣政殿學士馬得臣言諭降宋軍恐終不爲用請竝放
還詔不允丙子籌寧奏破狼山捷辛巳復奏敗宋兵于
益津關癸未進軍長城口宋定州守將李興以兵來拒
休哥擊敗之追奔五六里十一月甲申上以將攻長城
口詔諸軍備攻具庚寅駐長城口督大軍四面進攻土
潰圍委城遁斜軫招之不降上與韓德讓邀擊之殺獲
殆盡獲者分隸燕軍辛卯攻滿城圍之甲午拔其城軍
士開北門遁上使諭其將領乃率衆降戊戌攻下祁州

縱兵大掠己亥拔新樂庚子破小狼山砦丁未宋軍千
人出益津關國舅郎君桃委詳穩十哥擊走之殺副將
一人己酉休哥獻黃皮室詳穩狗地莫州所獲馬二十
匹士卒二十人命賜降者衣帶使隸燕京辛亥西路又
送降卒二百餘人給寒者裘衣以馬得臣權宣徽院事
十二月甲寅朔賜皮室詳穩乞得禿骨里戰馬橫帳郎
君達打里劫掠命杖之丙辰畋于沙河休哥獻奚祥穩
耶魯所獲宋謀丁巳遣北宰相蕭繼遠等往覘安平侍
衛馬軍司奏攻祁州新樂都頭劉贊等三十人有功乞
加恩賞是月大軍駐宋境是歲詔開貢舉一人及第

七年春正月癸未朔班師戊子宋雞壁砦守將郭榮率
衆來降詔屯南京庚寅次長城口三卒出營劫掠笞以
狗衆以所獲物分賜左右壬辰李繼遷與兄繼捧有怨
乞與通好上知其非誠不許癸巳諭諸軍趣易州己亥
禁部從伐民桑梓癸卯攻易州宋兵出遂城來援遣鐵
林軍擊之擒其指揮使五人甲辰大軍齊進破易州降
刺史劉墀守陴士卒南遁上帥師邀之無敢出者卽以
馬質爲刺史趙質爲兵馬都監遷易州軍民于燕京以
東京騎將夏貞顯之子仙壽先登授高州刺史乙巳幸
易州御五花樓撫諭士庶丙午以青牛白馬祭天地詔

諭三京諸道戊申次漆水謁景宗皇帝廟詔遣涿州刺
史耶律守雄護送易州降人八百還隸本貫己酉次岐
溝射鬼箭辛亥還次南京六軍解嚴二月壬子朔上御
元和殿受百官賀詔雞壁砦民二百戶徙居檀順薊三
州甲寅回鶻于闐師子等國來貢乙卯大饗軍士爵賞
有差樞密使韓德讓封楚國王駙馬都尉蕭寧遠同政
事門下平章事是日幸長春宮甲子詔南征所俘有親
屬分隸諸帳者給官錢贖之使相從乙丑賞南征女直
軍使東還丙寅禁舉人匿名飛書謗訕朝廷癸酉吐蕃
党項來貢甲戌雲州租賦請止輸本道從之丙子以女

直活骨德爲本部相分遣巫覡祭名山大川丁丑皇子
佛寶奴生戊寅阿薩蘭于闐轄烈竝遣使來貢三月壬
午朔遣使祭木葉山禁芻牧傷禾稼宋進士十七人摯
家來歸命有司考其中第者補國學官餘授縣主簿尉
李繼遷遣使來貢丁亥詔知易州趙質收戰亡士卒骸
骨築京觀戊子賜于越宋國王紅珠筋線命入內神帳
行再生禮皇太后賜物甚厚以雞壁砮民成廷朗等八
戶隸飛狐已丑詔免雲州逋賦乙室王貫寧擊鞠爲所
部郎君高四縱馬突死詔訊高四罪丙申詔開奇峰路
通易州市戊戌以王子帳耶律襄之女封義成公主下

嫁李繼遷是春駐蹕延芳淀夏四月甲寅還京乙卯國
舅太師蕭闥覽爲子排亞請上皇女延壽公主許之丙
辰謁太宗皇帝廟以御史大夫烏骨領乙室大王己未
幸延壽寺飯僧甲子諫議大夫馬得臣以上好擊毬上
疏切諫云臣伏見陛下聽朝之暇以擊毬爲樂臣思此
事有三不宜上下分朋君臣爭勝君得臣奪君輸臣喜
一不宜也往來交錯前後遮約爭心競起禮容全廢若
貪月杖誤拂天衣臣旣失儀君又難責二不宜也輕萬
乘之貴逐廣塲之娛地雖平至爲堅确馬雖良亦有驚
蹶或因奔擊失其控御聖體寧無虧損太后豈不驚懼

三不宜也臣望陛下念繼承之重止危險之戲疏奏大
嘉納之丁卯吐渾還金回鶻安進吐蕃獨朶等自宋來
歸皆賜衣帶皇太后謁奇首可汗廟丙子以舍利軍耶
律杳爲常袞己卯駐蹕儒州龍泉庚辰遣宣徽使蒲領
等率兵分道備宋以遙輦副使控骨离爲舍利拽刺詳
穩五月辛巳祭風伯于儒州白馬村休哥引軍至滿城
招降卒七百餘人遣使來獻詔隸東京辛卯獵桑乾河
壬辰燕京奏宋兵至邊時暑未敢與戰且駐易州俟彼
動則進擊退則班師從之六月庚戌朔以太師柘母迎
合撾之二十辛酉詔燕樂密雲二縣荒地許民耕種免

賦役十年甲戌宣政殿學士馬得臣卒詔贈太子少保
賜錢十萬粟百石乙亥詔出諸畜賜邊部貧民是月休
哥排亞破宋兵于秦州秋七月乙酉御含涼殿視朝丙
戌以中丞耶律覈麥哥權夷离畢橫帳郎君耶律延壽
爲御史大夫癸巳遣兵南征甲午以迪离畢涅刺烏濊
三部各四人益東北路來人婆里德仍給印綬丁酉勞
南征將士是日帝與皇太后謁景宗皇帝廟八月庚午
放進士高正等二人及第冬十月禁置網捕兔十一月
甲申于闐張文寶進內丹書十一月甲寅釣魚于沈子
灤癸亥獵于好草嶺

遼史卷十二

遼史卷十三

元中書右丞相總裁脫脫等修

本紀第十三

聖宗四

八年春正月辛巳如臺湖庚寅詔決滯獄庚子如沈子
灤二月丁未朔于闐回鶻各遣使來貢壬申女直遣使
來貢三月丁丑李繼遷遣使來貢庚辰太白熒惑闕凡
十有五次乙酉城杏塌以宋俘寶之辛丑置宜州夏四
月丙午朔嚴州刺史李壽英有惠政民請留從之庚戌
女直遣使來貢庚午以歲旱諸部艱食振之五月戊子

以宋降卒分隸諸軍庚寅女直宰相阿海來貢封順化王丙申清暑胡土白山詔括民田六月丙午以北面林牙磨魯古爲北院大王阿薩蘭回鶻于越達刺于各遣使來貢甲寅月掩天駟第一星丙辰女直遣使來貢秋七月庚辰改南京熊軍爲神軍詔東京路諸宮分提轄司置分定霸保和宣化三縣白川州置洪理儀坤州置廣義遼西州置長慶乾州置安德各一縣省遂媯松饒寧海瑞玉鐵里奉德等十州及玉田遼豐松山弘遠懷清雲龍平澤平山等八縣以其民分隸他郡八月乙卯以黑白羊祭天地九月乙亥北女直四部請內附壬辰

李繼遷獻宋俘冬十月丙午以敗宋軍復遣使來告己酉阻卜等遣使來貢是月駐蹕大王州十一月庚寅以吐谷渾民饑振之丁酉太白晝見十二月癸卯李繼遷下宋麟鄜等州遣使來告女直遣使來貢庚戌遣使封李繼遷爲夏國王癸丑回鶻來貢是歲放鄭雲從等二人及第

九年春正月甲戌女直遣使來貢丙子詔禁私度僧尼庚辰如臺湖乙酉樞密使監修國史室昉等進實錄賜物有差戊子選宋降卒五百置爲宣力軍辛卯詔免三京諸道租賦仍罷括田二月丙午夏國遣使告伐宋捷

遼史卷十三 本紀
丁未以涿州刺史耶律王六爲惕隱甲子建威寇振化
來遠三城屯戍卒閏月辛未朔日有食之壬申遣翰林
承旨邢抱朴三司使李嗣給事中劉京政事舍人張幹
南京副留守吳浩分決諸道滯獄三月庚子朔振室韋
烏古諸部戊申復遣庫部員外郎馬守琪倉部員外郎
祁正虞部員外郎崔祐薊北縣令崔簡等分決諸道滯
獄甲子幸南京夏四月甲戌回鶻來貢乙亥夏國王李
繼遷遣杜白來謝封冊丙戌清暑炭山五月己未以秦
王韓匡嗣私城爲全州六月丁亥突厥來貢是月南京
霖雨傷稼秋七月癸卯通括戶口乙巳詔諸道舉才行

察貪酷撫高年禁奢僭有歿於王事者官其子孫己未
夏國以復綏銀二州遣使來告八月癸酉銅州嘉禾生
東京甘露降戊寅女直進喚鹿人壬午東京進三足烏
九月庚子鼻骨德來貢己酉駐蹕廟城南京地震冬十
月丁卯阿薩蘭回鶻來貢壬申夏國王李繼遷遣使來
上宋所授勅命丁丑定難軍節度使李繼捧來附授推
忠効順啟聖定難功臣開府儀同三司檢校太師兼侍
中封西平王十一月己亥以青牛白馬祭天地十二月
夏國王李繼遷潛附于宋遣招討使韓德威持詔諭之
是歲放進土石用中一人及第

十年春正月丁酉禁喪葬禮殺馬及藏甲冑金銀器玩
丙午如臺湖二月乙丑朔日有食之韓德威奏李繼遷
稱故不出至靈州俘掠以還壬申兀惹來貢壬午免雲
州租賦庚寅夏國以韓德威俘掠遣使來奏賜詔安慰
辛卯給復雲州流民三月甲辰鐵驪來貢丙辰如炭山
夏四月乙丑以臺湖爲望幸里庚寅會羣臣較射五月
癸巳朔州流民給復三年七月辛酉鐵驪來貢八月癸
亥觀稼仍遣使分閱苗稼九月癸卯幸五臺山金河寺
飯僧冬十月壬申夏國王遣使來貢戊寅鐵驪來貢十
一月壬辰回鶻來貢十二月庚辰獵儒州東川拜天是

月以東京留守蕭垣德等伐高麗

十一年春三月壬寅回鶻來貢丙午出內帑錢賜南京
統軍司軍高麗王治遣朴良柔奉表請罪詔取女直鴨
淥江東數百里地賜之二月癸亥霸州民妻王氏以妖
惑衆伏誅夏四月幸炭山清暑六月大雨秋七月己丑
桑乾羊河溢居庸關西害禾稼殆盡奉聖南京居民廬
舍多墊溺者八月如秋山冬十月甲申朔駐蹕蒲瑰坂
是時放進士王熙載等二人及第

十二年春正月癸丑朔朔陰鎮水漂溺三十餘村詔疏
舊渠甲寅以同政事門下平章事耶律碩老爲惕隱詔

復行在五十里內租乙卯幸延芳淀戊午蠲宜州賦調
庚申郎君耶律鼻舍等謀叛伏誅壬戌以南院大王耶
律景爲上京留守封漆水郡王霸州民李在宥年百三
十有三賜束帛錦袍銀帶月給羊酒仍復其家二月甲
申免南京被水戶租賦己丑高麗來貢甲午免諸部歲
輸羊及關征庚子回鶻來貢三月丁巳高麗遣使請所
俘人畜詔贖還戊午幸南京丙寅遣使撫諭高麗己巳
涿州木連理壬申如長春宮觀牡丹是月復置南京統
軍都監夏四月辛卯幸南京壬辰樞密直學士劉恕爲
南院樞密副使戊戌以景宗石像成幸延壽寺飯僧五

月甲寅詔北皮室軍老不任事者免役戊午如炭山清
暑庚辰武定軍節度使韓德冲秩滿其民請留從之六
月辛巳朔詔州縣長吏有才能無過者減一資考任之
癸未可汗州刺史賈俊進新歷庚子錄囚甲辰詔龍鳳
兩軍老疾者代之是月太白歲星相犯秋七月辛亥朔
日有食之甲寅遣使視諸道禾稼辛西南院樞密使室
昉爲中京留守加尚父丙寅女直遣使來貢戊辰觀穫
庚午詔契丹人犯十惡者依漢律己卯以翰林承旨邢
抱朴參知政事八月庚辰朔詔皇太妃領西北路烏古
等部兵及永興宮分軍撫定西邊以蕭撻凜督其軍事

乙酉宋遣使求和不許戊子以國舅帳尅蕭徒骨爲夷
離畢乙未下詔戒諭中外官吏丁酉錄囚雜犯死罪以
下釋之九月壬子室韋党項吐谷渾等來貢辛酉宋復
遣使求和不許壬戌行拜輿禮癸酉阻卜等來貢冬十
月乙酉獵可汗州之西山乙巳詔定均稅法丁未大理
寺置少卿及正十一月戊申朔行再生禮鐵驪來貢詔
諸部所俘宋人有官吏儒生抱器能者諸道軍有勇健
者具以名聞庚戌詔郡邑貢明經茂材異等甲寅詔南
京決滯獄己未官宋俘衛德升等六人十二月戊寅朔
日有食之詔并奚王府輿理墮隗梅只三部爲一其二
尅各分爲部以足六部之數甲申賜南京統軍司貧戶
耕牛戊子高麗進妓樂却之庚寅禁游食民癸巳女直
以宋人浮海路本國及兀惹叛來告丁未幸南京是年
放進士呂德懋等二人及第

十三年春正月壬子幸延芳淀甲寅置廣靈縣丁巳增
泰州遂城等縣賦庚申詔諸道勸農癸亥長寧軍節度
使蕭解里秩滿民請留從之庚午如長春宮二月丁丑
女直遣使來貢甲辰高麗遣李周禎來貢三月癸丑夏
國遣使來貢戊辰武清縣百餘人入宋境剽掠命誅之
還其所獲人畜財物夏四月己卯參知政事邢抱朴以

母憂去官起復丙戌詔諸道民戶應歷以來脅從爲部
曲者仍籍州縣甲午如炭山清暑五月壬子高麗進鷹
乙亥北南乙室三府請括富民馬以備軍需不許給以
官馬六月丙子朔啟聖軍節度使劉繼琛秩滿民請留
從之丁丑詔減前歲括田租賦甲申以宣徽使阿沒里
私城爲豐州丙戌詔許昌平懷柔等縣諸人請業荒地
秋七月乙巳朔女直遣使來貢丁巳兀惹烏昭度渤海
燕頗等侵鐵驪遣奚王和朔奴等討之壬戌詔蔚朔等
州龍衛威勝軍更戌八月丙子夏國遣使進馬壬辰詔
修山澤祠宇先哲廟貌以時祀之九月戊午以南京太
學生員浸多特賜水磴莊一區丁卯奉安景宗及皇太
后石像于延芳淀冬十月乙亥置義倉辛巳回鶻來貢
甲申高麗遣李知白來貢戊子兀惹歸欵詔諭之庚子
鼻骨德來貢十一月乙巳阿薩蘭回鶻遣使來貢辛酉
遣使冊王治爲高麗國王戊辰高麗遣童子十人來學
本國語十二月己卯鐵驪遣使來貢鷹馬辛巳夏國以
敗宋人遣使來告是年放進士王用極等二人
十四年春正月己酉漁于路河丁巳蠲三京及諸州稅
賦丙寅夏國遣使來貢庚午以宣徽使阿沒里家奴閻
貴爲豐州刺史二月庚寅回鶻遣使來貢三月壬寅高

麗王治表乞爲婚許以東京留守駙馬蕭恒德女嫁之
庚戌高麗復遣童子十人來學本國語甲寅韓德威奏
討党項捷甲子詔安集朔州流民夏四月甲戌東邊諸
糺各置都監庚寅如炭山清暑己亥鑿大安山取劉守
光所藏錢是月奚王和朔奴東京留守蕭恒德等五人
以討兀惹不克削官改諸部令穩爲節度使五月癸卯
詔參知政事邢抱朴決南京滯獄庚戌朔州威勝軍一
百七人叛入宋六月辛未如炭山清暑鐵驪來貢乙酉
回鶻來貢己丑高麗遣使來問起居後至無時秋七月
戊午回鶻等來貢閏月丁丑五院部進穴地所得金馬

冬十月丙辰命劉遂教南京神武軍士劔法賜袍帶錦
幣戊午烏昭度乞內附十一月甲戌詔諸軍官毋非時
畋獵妨農乙酉奉安景宗及太后石像于乾州是月回
鶻阿薩蘭遣使爲子求婚不許十二月甲寅以南京道
新定稅法太重減之甲子撻剌誘叛酋阿魯敦等六十
人斬之封蘭陵郡王幸南京是年放進士張儉等三人
十五年春正月庚午幸延芳淀丙子以河西党項叛詔
韓德威討之庚辰詔諸道勸民種樹癸未兀惹長武周
來降戊子女直遣使來貢己丑詔南京決滯囚乙未免
流民稅二月丙申朔如長春宮戊戌勸品部富民出錢

以贍貧民庚子徙梁門遂城泰州北平民於內地丙午
夏國遣使來貢甲寅問安皇太后丙辰韓德威奏破党
項捷丁巳詔品部曠地令民耕種三月乙丑朔党項來
貢戊辰募民耕灤州荒地免其租賦十年己巳夏國破
宋兵遣使來告己卯封夏國王李繼遷爲西平王壬午
通括宮分人戶免南京逋稅及義倉粟甲申河西党項
乞內附庚寅兀惹烏昭度以地遠乞歲時免進鷹馬貂
皮詔以生辰正且貢如舊餘免癸巳宋主昞殂子恒嗣
位甲午皇太妃獻西邊捷夏四月乙未朔罷奚王部歲
貢鷹戊戌錄囚壬寅發義倉粟賑南京諸縣民丙午廣

德軍節度使韓德凝有善政秩滿其民請留從之己酉
幸南京丁巳致奠于太宗皇帝廟己未如炭山清暑五
月甲子朔日有食之己巳詔平州決滯獄是月敵烈八
部殺詳穩以叛蕭撻凜追擊獲部族之半六月丙申鐵
驪來貢壬子夏國遣使來謝封冊秋七月戊辰党項來
貢辛未禁吐谷渾別部鬻馬於宋丙子高麗遣韓彥敬
奉幣弔越國公主之喪辛卯詔南京疾決獄訟八月丁
酉獵于平地松林皇太后誠曰前聖有言欲不可縱吾
兒爲天下主馳騁田獵萬一有銜櫛之變適遺予憂其
深戒之九月丙寅罷東邊戍卒庚午幸饒州致奠太祖

廟戊子蕭撻凜奏討阻卜捷冬十月壬辰朔駐蹕馳山
罷奚王諸部貢物乙未賜宿衛時服丁酉禁諸山寺母
濫度僧尼戊戌弛東京道魚藻之禁戊申以上京獄訟
繁冗詰其主者辛酉錄囚十一月壬戌朔錄囚丙戌幸
顯州戊子謁顯陵庚寅謁乾陵是月高麗王治薨姪誦
遣王同穎來告十二月乙巳釣魚土河己酉駐蹕馳山
壬子夏國遣使來貢甲寅遣使祭高麗王治詔其姪權
知國事丙辰錄囚是年放進士陳鼎等二人

遼史卷十三

遼史卷十三考證

聖宗紀四統和十二年正月幸延芳淀十三年九月奉
安景宗及皇太后石像于延芳淀○臣宗楷按北平
古今記謂統和四年命皇族廬帳駐東京延芳淀是
東京亦有延芳淀也

遼史卷十四

元中書右丞相總裁脫脫等修

本紀第十四

聖宗五

十六年春正月乙丑如長瀝二月庚子夏國遣使來貢
丙午以監門衛上將軍耶律喜羅為中臺省左相三月
甲子女直遣使來貢乙亥鼻骨德酋長來貢夏四月癸
卯振崇德宮所隸州縣民之被水者丁未罷民輸官俸
給自內帑己酉祈雨乙卯如木葉山五月甲子祭白馬
神丁卯祠木葉山告來歲南伐庚辰鐵驪來貢乙酉還

上京婦人年踰九十者賜物六月戊子朔致奠於祖懷
二陵是月清暑炭山秋七月丁巳朔錄囚聽政八月丁
亥朔東幸九月丁巳朔駐蹕得勝口冬十一月遣使冊
高麗國王誦十二月丙戌宋國王休哥薨輟朝五日進
封皇弟恒王隆慶爲梁國王南京留守鄭王隆祐爲吳
國王是年放進士楊文立等二人

十七年春正月乙卯朔如長春宮夏四月如炭山清暑
六月兀惹烏昭慶來秋七月以伐宋詔諭諸道九月庚
辰朔幸南京己亥南伐癸卯射鬼箭北院樞密使魏王
耶律斜軫薨以韓德讓兼知北院樞密使事冬十月癸
酉攻遂城不克遣蕭繼遠攻狼山鎮石砦破之次瀛州
與宋軍戰擒其將康昭裔宋順獲兵仗器甲無算進攻
樂壽縣拔之次遂城敵衆臨水以拒縱騎兵突之殺戮
殆盡是年放進士初錫等四人及第

十八年春正月還次南京賞有功將士罰不用命者詔
諸軍各還本道二月幸延芳淀夏四月己未駐蹕于清
泉淀五月丁酉清暑炭山六月阻卜叛酋鶻碾之弟鐵
勅不率部衆來附鶻碾無所歸遂降詔誅之秋七月駐
蹕于湯泉九月乙亥朔駐蹕黑河冬十一月甲戌朔授
西平王李繼遷子德昭朔方軍節度使十二月回鶻來

貢是年放進士南承保等三人及第

十九年春正月辛巳以祗候郎君班詳穩觀音爲奚六部大王甲申回鶻進梵僧名醫三月乙亥夏國遣李文貴來貢乙酉西南面招討司奏党項捷壬辰皇后蕭氏以罪降爲貴妃賜大丞相韓德讓名德昌夏四月乙巳幸吳國王隆祐第視疾丙午問安皇太后五月癸酉清暑炭山丙戌冊蕭氏爲齊天皇后庚寅以十拽刺詳穩耶律壬奴爲乙室大王辛卯以青牛白馬祭天地六月乙巳以所俘宋將康昭裔爲昭順軍節度使戊午夏國奏下宋恒懷慶等三州賜詔褒之秋七月丙戌以東京

統軍使耶律奴瓜爲南府宰相八月庚戌達盧骨部來貢九月己巳朔問安皇太后戊子駐蹕昌平庚寅西南面招討司奏討吐谷渾捷辛卯幸南京冬十月己亥南伐壬寅次鹽溝徙封吳國王隆祐爲楚國王留守京師丁未梁國王隆慶統先鋒軍以進辛亥射鬼箭壬子以青牛白馬祭天地甲寅遼軍與宋兵戰于遂城敗之庚申以黑白羊祭天地丙寅次滿城以泥淖班師十一月庚午射鬼箭丙子宋兵出淤口益津關來侵偵候謀注虞人招古擊敗之己卯觀漁儒門灤閏月己酉鼻骨德來貢己未減關市稅十二月庚辰免南京平州租稅

二十年春正月庚子如延芳淀癸丑東方五色虹見詔
安撫西南面向化諸部甲寅夏國遣使貢馬馳辛酉女
直宰相夷离底來貢二月丁丑女直遣其子來朝高麗
遣使賀伐宋捷二月甲寅遣北府宰相蕭繼遠等南伐
壬戌駐蹕鴛鴦樂夏四月丙寅朔文班太保達里底敗
宋兵于梁門甲戌南京統軍使蕭撻凜破宋軍於泰州
乙酉南征將校獻俘賜爵賞有差戊子鐵驪遣使來貢
五月乙卯幸炭山清暑六月夏國遣劉仁勗來告下靈
州秋七月甲午朔日有食之丁酉以邢抱朴爲南院樞
密使辛丑高麗遣使來貢本國地里圖九月癸巳朔謁

顯陵告南伐捷冬十月癸亥朔至自顯陵十二月奚王
府五帳六節度獻七金山土河川地賜金幣是歲南京
平州麥秀兩岐放進士邢祥等六人及第

二十一年春正月如鴛鴦樂三月壬辰詔修日歷官毋
書細事甲午朝皇太后戊午鐵驪來貢夏四月乙丑女
直遣使來貢戊辰兀惹渤海奧里米越里篤越里古等
五部遣使來貢是月耶律奴瓜蕭撻凜獲宋將王繼忠
于望都五月庚寅朔清暑炭山丁巳西平王李繼遷薨
其子德昭遣使來告六月己卯贈繼遷尚書令遣西上
閣門使丁振弔慰辛巳党項來貢乙酉阻卜鐵刺里率

諸部來降是月修可敦城秋七月庚戌阻卜烏古來貢
甲寅以奚王府監軍耶律室魯爲南院大王八月乙酉
阻卜鐵刺里來朝丙戌朝皇太后九月己亥夏國李德
昭遣使來謝弔贈癸丑幸女河湯泉改其名曰松林冬
十月丁巳駐蹕七渡河戊辰以楚國王隆祐爲西南面
招討使十一月壬辰故于越耶律休哥之子道士奴高
九等謀叛伏誅丙申通括南院部民十二月癸未罷三
京諸道貢

二十二年春正月丁亥如鴛鴦濼二月乙卯朔女直遣
使來貢丙寅南院樞密使邢抱朴薨輟朝三日三月己

丑罷番部賀千齡節及冬至重五貢乙未西夏李德昭
遣使上繼遷遺物夏四月丁卯朝皇太后五月清暑炭
山六月戊子以可敦城爲鎮州軍曰建安秋七月甲申
遣使封夏國李德昭爲西平王丁亥兀惹蒲奴里剖阿
里越里篤奧里米等部來貢八月丙辰党項來貢庚申
阻卜酋鐵刺里來朝戊辰鐵刺里求婚不許丙子駐蹕
犬牙山九月己丑以南伐諭高麗丙午幸南京女直遣
使獻所獲烏昭慶妻子丁未致祭于太宗皇帝廟以北
院大王磨魯古太尉老君奴監北南王府兵庚戌命楚
國王隆祐留守京師閏月己未南伐癸亥次固安以所

獲謀者射鬼箭甲子以青牛白馬祭天地丙寅遼師與
宋兵戰于唐興大破之丁卯蕭撻凜與宋軍戰于遂城
敗之庚午軍于望都冬十月乙酉以黑白羊祭天地丙
戌攻瀛州不克甲午下祈州賚降兵以酒脯祭天地己
酉西平王李德昭遣使謝封冊十一月癸亥軍馬都指
揮使耶律課里遇宋兵于洺州擊退之甲子東京留守
蕭排押獲宋魏府官吏田逢吉郭守榮常顯劉綽等以
獻丁卯南院大王善補奏宋遣人遺王繼忠弓矢密請
求和詔繼忠與使會許和庚午攻破德清軍壬申次澶
淵蕭撻凜中伏弩死乙亥攻破通利軍丁丑宋遣崇儀
副使曹利用請和卽遣飛龍使韓杞持書報聘十二月
庚辰朔日有食之旣癸未宋復遣曹利用來以無還地
之意遣監門衛大將軍姚東之持書往報戊子宋遣李
繼昌請和以太后爲叔母願歲輸銀十萬兩絹二十萬
匹許之卽遣閤門使丁振持書報聘己丑詔諸軍解嚴
是月班師皇太后賜大丞相齊王韓德昌姓耶律徙王
晉是年放進士李何封等三人

二十三年春正月戊午還次南京庚申大饗將卒爵賞
有差二月丙戌復置榷場於振武軍丁巳夏國遣使告
下宋青城辛酉朝皇太后以惕隱化哥爲南院大王行

軍都監老君奴爲惕隱乙丑振党項部丁卯回鶻來貢
丁丑改易州飛狐招安使爲安撫使夏四月丙戌女直
及阿薩蘭回鶻各遣使來貢乙未鐵驪來貢己亥党項
來侵五月戊申朔宋遣孫僅等來賀皇太后生辰乙卯
以金帛賜陣亡將士家丙寅高麗以與宋和遣使來賀
六月壬辰清暑炭山甲午阻卜酋鐵刺里遣使賀與宋
和己亥達旦國九部遣使來聘秋七月癸丑問安皇太
后戊午党項來貢辛酉以青牛白馬祭天地壬戌烏古
來貢丁卯女直遣使來貢阿薩蘭回鶻遣使來請先留
使者皆遣之九月甲戌遣太尉阿里太傅楊六賀宋主

生辰冬十月丙子朔鼻骨德來貢戊子朝皇太后甲午
駐蹕七渡河癸卯宋歲幣始至後爲常十一月戊申上
遣太保合住頒給使韓簡太后遣太師益奴政事舍人
高正使宋賀正日辛亥觀漁桑乾河丁巳詔大丞相耶
律德昌出宮籍屬于橫帳十二月丙申宋遣周漸等來
賀千齡節丁酉復遣張若谷等來賀正旦

二十四年春正月如鴛鴦濼夏五月壬寅朔幸炭山清
暑幽皇太妃胡輦于懷州囚夫人夷懶于南京餘黨皆
生瘞之秋七月辛丑朔南幸八月丙戌改南京宮宣教
門爲元和外三門爲南端左掖門爲萬春右掖門爲千

秋是月沙州燉煌王曹壽遣使進大食國馬及美玉以對衣銀器等物賜之九月幸南京冬十月庚午朔帝率羣臣上皇太后尊號曰睿德神畧應運啓化承天皇帝太后羣臣上皇帝尊號曰至德廣孝昭聖天輔皇帝大赦是年放進士楊佶等二十二人及第

二十五年春正月建中京二月如鴛鴦灤夏四月清暑炭山六月賜皇太妃胡輦死于幽所秋七月壬申西平王李德昭母薨遣使弔祭甲戌遣使起復九月西北路招討使蕭圖玉討阻卜破之冬十月丙申駐蹕中京十一月己酉振饒州饑民

二十六年春二月如長灤夏四月辛卯朔祠木葉山五月庚申朔還上京丙寅高麗進龍鬚草席己巳遣使賀中京成庚午致祭祖懷二陵辛未駐蹕懷州秋七月增太祖太宗讓國皇帝世宗諡仍諡皇太弟李胡曰欽順皇帝冬十月戊子朔幸中京十二月蕭圖玉奏討甘州回鶻降其王耶刺里撫慰而還是年放進士史克忠等一十三人

二十七年春正月釣魚土河獵于瑞鹿原夏四月丙戌朔駐蹕中京營建宮室庚戌廢霸州處置司秋七月甲寅朔霖雨潢土幹刺陰涼四河皆溢漂沒民舍八月甲

申北幸冬十一月壬子朔行柴冊禮十二月乙酉南幸
皇太后不豫戊子肆赦辛卯皇太后崩于行宮壬辰遣
使報哀于宋夏高麗戊申如中京己酉詔免賀千齡節
是歲御前引試劉二宜等三人

遼史卷十四

遼史卷十四考證

聖宗紀五統和十七年秋七月伐宋冬十月癸酉攻遂

城不克次瀛州與宋軍戰擒其將康昭裔宋順○臣

宗萬按康昭裔通鑑作康保裔據通鑑則保裔乃戰

死真宗優詔贈恤錄其子孫據遼史則昭裔已就擒

後且以爲昭順軍節度使二者未知孰是

十八年春正月還次南京○臣長發按宋通鑑契丹知

帝親征縱掠而去然則聖宗之還次南京因真宗之

親征而遼史諱之也


二十三年十二月丙申宋遣周漸等來賀千齡節丁酉



復遣張若谷等來賀正旦○臣宗萬按周漸之使宋

史不載而正旦所遣乃韓國華也此云張若谷與宋

史異

遼史卷十四考證





復遺張若谷
史不藏而正
史異
云版若谷與米

